

雅亭遺稿 十一十二

書五

應吉各體

青壯館全書

綱菴藏

共三十五



青莊館全書卷之十九

雅亭遺稿目錄十一

書五

柳惠甫 得恭

金直齋 鍾厚

李大器 晚中

趙敬菴 衍龜

姜斯文 世輝

尹童子 宗成

朴生 景愈

鄭耳玉 琇

李 定載

徐稼雲 有年

潘秋庠 庭筠

李雨邨 調元

李墨莊 鼎元

李鳬塘 驥元



唐鴛港樂字

洪舜徒秉善諸人

柳連玉璉

白永叔東脩

徐而中理修

沈穉教象奎

柳明元煥

李汝剛應鼎

宗姪判書公敬懋

代家大人作

成龍汝海應

洪太和元燮

青莊館全書卷之十九



青莊館全書卷之十九

完山

李德懋

懋官

著

男光葵

奉杲

編輯

雅亭遺稿

李晚秀

憲隣

校訂

書五

柳惠甫

得恭

讀足下詩及素玩蘇書二士詩以為古人詩古人已
死眼中不見一古人何嘗今日作詩示我以為今人
也盈天下皆今人也焉有今人吐岀者箇好詩古今
二字交戰宵中無法可解

顧今校讐謄本八家文抄事役浩穰匪一人一時之
所可竣工第自數日以來雖欲專意下工譬如精衛
銜石何時填海平生慣讀蠅頭能書蚊脚今此一部
細字蠅之雲仍之頭蚊之苗裔之脚平生好箇一雙炯
炯眼孔從今不霽而虹起匪春而花飛豈不可憐不
直二負日進此院與直者一員共三人聚首讐勘至
祝至祝

沈孫璉字蘆士錢塘人沈心醇字瓠樽海寧人蔡曾
源字呂橋羅江人中原人舉皆以字為號三子另有
他號未之聞也蘆士官編修沈蔡俱舉人

詩有蘭麝氣絕勝十雙美人末句自詫意非在於兼
司禁城中其精神專在十雙自謂高一著而以我觀
之不啻落千層使我得志真正可置數十侍妾視若
土苴今兄虛領嫖母二十箇自處花月平章不亦陋
哉火速來此讐對講說也

自我南為無夜無夢與兄輩聯武行禮聚首校書或
舍孟雅譴絮絮未了曉角一聲殘月窺窓悄然卧在
寒竹堂中呻吟嘆奈如之何赴任差晚驛務以之
叢沓吏得卒狡百瘼蝟興匪弟綿力所可牽補實有
無窮之慮水帶鐵腥脾家崩敗一日所食不過二合

奈何

日前朴徐二寮書來知兄入沁都一眼清涼散其味
何如反想徐寮艷羨朴寮惹妒以余不羨不妒之眼
目觀之兄本柔輒亦應不安兄之此番榮光自何而
得即我之功也我適在此故兄能闖然而入速備壺
酒為我謝可也陪兩令公初謁奎閣途中海上想
多韻事第於此段妒則不可羨或有之其能領畧風
烟平安歸來否第日督貪民家家幾筭避債之臺心
甚不寧亦復奈何適有大丘烟盃一具仰餽烟一斤
亦去湏以此盃吸此烟滿滿

此等事有誰講摩邪兄獨留意迺所以為我同志也
按老土蕃胡李蒲住遺種也蒲住既誅移居白頭山
西嘗耕種我地邊將遣人禁斷胡害之李守一李迨
等分道入攻焚其廬舍宣廟四十年忽刺溫謀屠
慶興蕃胡蕃胡請救於老土老土率鐵騎五千搶劫
搬移穿過鍾城忽胡遣萬餘兵遇於烏碣洞老土縱
擊大破之從慶源東城外回軍忽胡自此不振老土
即奴兒哈赤此即蒲州熾盛之始而江外侵掠之患
亦隨而息矣

昔者兩度下書鱗次奉讀至今不任下懷下詢三代

追贈故實更考唐文粹姚絃編目錄無三代制歐陽公

集亦無之自王臨川曾南豐諸集始有之意者三代

追贈始於宋時耶但歐陽公泚岡阡表末記其三代

追封甚詳而自家所作內外制最富終無一篇可訝子

瞻所撰載於本集元明善所撰載於元文類蘓天爵編後

考文類亦有姚燧撰高麗國王忠宣王封曾祖父母祖

母祖父與父母制二代追贈之制甚多大抵詳考新舊

唐書舊唐書劉昫新唐書宋祁及宋史阿魯圖等然後可知耳緣起二

字南朝梁任昉著文章緣起蓋記詩賦表牋百文之

所始緣起猶原始之意詳記其所起之緣也頃者猥
荷不鄙之惠仰答下詢妄改盛撰至蒙領可既悚且
感不意茲者又被引譬古人一字之師驚慙感二不
知措躬紀季兜覽二冊有人願謄寫持去今始索還
謹牒上甫

垂詢紀季書漢則東蜀晉又分東因其中興之地各
立名號不害於正統至若六朝五代匪敢曰正統較
諸並朝本是夷狄南唐諸國各竊名號者猶可謂此
善於彼故不得低一字書之若正統然而其書殂不
書崩之類可見其筆法序中變遷二字案字書雲盛

兒亦曰雲鬣

即僂僂

李登聲類僂音僂僂彷彿也

又洞天清錄

趙宋

希鵠著

曰雲鬣

張自烈曰

鬣

老人不辨細書

以此掩目

則

明又元人小說

雲鬣

出西域

方輿勝畧

蒲刺

又方洲

雜志

明張寧著嘗以詔使來本國

曰嘗於指揮胡龍寓所見其

宣廟賜物如錢大者二絕似雲母以金相輪郭而衍

之為柄紐合則為一歧則為二老人張于雙目字明

大加倍又於孫景章所再見景章云以良馬易得于

西域賈胡滿刺

似聞其名為僂

逮

案此鬣之譌

考此諸說

則借雲之僂僂為眼鏡之名而自宋元已有之但不

盛行故

明宣宗時易以良馬今則人人用之矣垂

詢五雜組蕭何工篆案漢許慎說文序云秦書有八
體六曰署書注蕭子良云署書漢高六年蕭何所定
以題蒼龍白虎二闕又晉羊欣筆陳圖云蕭何深善
筆理嘗與張子房陳隱等論用筆之道何為前殿覃

思三月以題其額觀者如流水何使用秃筆

金壺記云何業

篆籀時人謂之蕭籀

又漢書藝文志曰何草律著法曰太史試

學童能諷九千字以上乃得為史又以六體試之課
最者以為尚書御史史書令史吏民上書字或不正
輒舉劾歷檢諸說則何為漢初書家之領袖且立法
試人以書學為初仕之路真不害為經世儒者作事

不苟不可以刀筆掩其長但手蹟不見故後世不知耳如諸葛武侯父子謝安司馬溫公王介甫朱文公皆工丹青而掩其功業文學人自不知大抵世間如此事者不知幾何猥承盛問畢陳所聞見自不覺其蓄蕪亦犯古人玩物之戒還增惶惑不知收為

前月獲叨朔設之官爰補菽水之供其為榮悅至矣

近日應製奎章閣八景詩入侍 幄殿居魁 御

賜明義錄又 命製登瀛洲二十韻排律亦復居魁

命賜白綿紙五卷顧以螻蛄賤臣 寵渥踰分惶感之

極不知收措第當兢 二翼 二小心無他而不識門下

有何加勉之規誨耶恭竢而已近日職業則編校
御定奎章韻瑞漸就頭緒頗費心力耳俯詢箕聖東
來之事愚見斷然以避地而來因以封之為不易之
論而井田舊蹟終涉疑案以其不少槩見於中國書
籍故也李茂李孟智事問諸蓮衙李子或知或不知
已上諸般開列他紙以呈耳中國書籍之稍稀貴者
除非文士入燕親購則元無可得之理通雅之不來
執力固然也心溪宗人近又相逢能得無恙云西池菡
萏想尤發夢恨不追隨杖屨以燕以遨於澹影寒馨
之間也

李大器 晚中

翠樹可蔭芳草堪藉直齋先生杖屨所之復初大器
周旋左右迭送韻話首夏之會殊覺爾雅梅雨惱人
足下起居清涼僕癯人也每見道貌清澈不任同病
之憐上標文及冬字詩今始淨寫筆逕蕪穢不入適
用然安用詞為求其意想所寄可也

前月吾兄二幅陸續入手披閱再四如晤羊標何等
慰豁邇來為零碎俗務所粘縛修謝至今遲濶想應
嗔之不已冬令暄暖可代重裘兄負薪之肩少得休
息皇天老眼垂恤貧士獻賀獻賀堂記敢不留意但

心孔不慧筆運難通濟以天生懶病奈何奈何白雲
山本名為何而丈席始之耶然則取何意歟且老兄
所居為雲隨堂耶或軒齋耶教之如何

一陽生政是君子進新德之機不審起居如何而作
何課業恨不時從吾兄爰襲芝蘭之德庸化蕪葭之
姿前書過獎賤品聊慰微懷自顧驚奕不知所謝世
間寧有使親飢餓徒讀古書無補菽水之孝子乎傳
曰惰其四體不顧父母之養一不孝也真不佞之謂
也古者以養志養體判為二道然為人子者徒工於
下氣愉色扶持抑搔使其父母朝夕不食額顙面黃

猶此自慰曰我能養志安事養體云爾則豈可謂之
人子乎曾子之養志亦無酒食而行之思之至此吾
獨奈何生民之業不出於士農工商狀至于後世士
有二目焉科也宦也夫科數也宦時也農曰力工曰
藝商則財也仰事俯育無不從此吾兄試以此五者
較計不佞踈迂愚拙百無一能平生寧有半分之近
似者乎每一念此如墮烟霧罔知所向吾兄不暇責
之罪之而乃反曰不失雅望孝孰大焉此何言也竊
不取焉如吾老兄早抱風樹之痛獨操冰玉之節依
歸門牆得聞大道雖飢寒困悴一朝溘狀亦無所恨

如不佞者假使不失雅望獨使親飢則惟屬匪人况
鹵莽椎鈍終身無聞尤短才力素乏閭里之譽兼之
不能辦一日之養者乎或恐老兄言出匪情故如是
譚言恕亮恕亮菴記有事有病尚不把筆奈何

趙敬菴行龜

文章義理不可偏廢之訓齋心頂禮敬佩德音但大
君子加鄙人以文章之目似是謬獎恐非真砭文章
豈易為哉鄙人有一條不可拔懶筋汨沒於科試俗
學虛弄光景已屬罪過奚暇肆力文章自古名人碩
士自稱不朽者其所自立自待皆從積力中來如鄙

人輩麋鹿直切之性不可及也近歲以來氣血旣壯
智慧稍開頗欲掃去腐儒求名之習回光反照常二
獨坐一室尋繹論語小學一語驗吾一行一句較吾
一念敦朴真素以此為息黥補劓法而自然為米鹽
零碎兒啼女哭所波盪不住明滅不接定坐自行自
止一生不受嚴師棒喝賢友針砭而然也尤自歎大
君子之不得同閑晨夕以承高誨也且自以為元明
間穿穴訓詁銷刻性理攘臂爭競之假儒實不如漢
之三老雖不讀書談道天質醇謹儀表一鄉足鎮浮
俗假使鄙人學問長進為世名儒每欲長帶三老氣

味也為假儒則鄙人竊恥之大君子以為何如

盛撰三種書可見用心之苦而為學之正宗迷塗之指南而昏夜之啓明也後學之嘉惠何幸如之然而道統錄中聖賢圖像髭髮顙顙季代既遠恐不是真的且朱子六贊外它人之所作未免煩冗圖與贊刪之亦可也皇明時以位版代聖賢塑像亦好意也座下以為如何心學圖源流條例并亦為不刊之典而附錄神明舍圖天君傳神明舍記等諸作縱可見先賢為學無所不用其極之一端而不其近於戲嬉乎本意未必如是而以愚意觀之雖不編入未為不

可若天君靈臺丹田主人翁者單舉而言則可也至
於傳會而為文字則何異科舉之文哉此非砭論先
輩愚見適如是也學庸圖說蒐輯甚博辨析亦精座
下所自作圖與說四三伏讀益發善哉之嘆至於手
模以置耳

尹孺子來謹承手幅矧審誕生肖胤厥聲煌々道學
嫡傳不藉它人種々恭賀走神氣不旺書卷間事亦
歸樗散欲消搖於好山佳水之裏以助吾峭鬱之想
而脚不聽心適然而止每羨座下青鞋之跡幾半國
內家居著等身書交友有若龍材林丈人者不以貧

下不敢
似敢不

餓累志眉中常帶氤氲之光此古之豪傑之人也書
中雅誨德懋不佞雖不敢當之而亦不敢珣服耶我
國自羅麗以來至于百餘年前往往交結中國人士
書札頻繁情意懇款此昭代盛事也今則防禁至嚴
不可以外交也六十季來金稼齋李一菴以後無多
聞焉走何嘗與中國人有書牘相酬之事也此欲為
而不敢為者也傳者之不審也然嘗聞錢塘有嚴誠
字力闇號鐵橋先生者文章道學綽有規範立志堅
固見道通透年未四十不幸而卒其同鄉有吳西林
先生者喪禮遵明制經明行修至老而孝不衰著吹

幽似幽

幽錄八十卷說文理董四十卷蓋卓立之士也今天
下如此者不知其幾輩東國人無挾自恃動必曰中
國無人何其眼孔之如豆也俯問蜀字今之西也弓
象鳥囚象巢鳥登于巢則日之西而已夕也一字必
有一義字不明則經不明書學亦係窮理之一段而
世儒不之講何也

謹接前月二十三日手尺驚喜如從雲裏落鄙人呵
冰為舉子文心事殊不朗朗安知不從此溺沒如油
入麪無有出理且懇且慙無地自容願慈悲老師救
我救我來書百節疏通不粘不泥盡將鴨綠以外腸

肥腦滿之習快拋東洋大海中不覺着眼飛舞也世俗所見只坐無挾自持妄生大論終歸自欺之人之地只知中州之陸沉不知中州之士多有明二白二的一顆好珠藏在袋皮子只獨自喃二曰虜人虜人何其自少乃尔其為不虜不夷人者行識見識果如中州人乎不也鄙人不敢窺執事學業之造詣而獨此慕中原一段足為海東人豪何者稱吳西林嚴鐵橋曰先生何其真也何其壯也獨有洪湛軒大容胸次坦直往者遊燕得見鐵橋論學定交多有筆談手札真當世通儒而不倍朱子者西林也

不佞鹵莽寡聞之人也顧一世多浮沉科舉于謁之
習非局滯則皆浮誕有眼不見如座下者之博雅謹
約宜弟慈詳有用有體之學何幸皇天憐其孤蒙仰
荷座下賁臨茅屋定交討懷輸寫無蘊奇矣美矣于
今只恨途里悠遠不得晨夕過從承奉清誨以開茅
塞也奈何天暄晝永願以一筇一笠憺然入城以續
前遊則不亦樂乎

鄙人於書法鹵廩或運腕盡成蜨鬚螳股足下多賞
妙楮使之汚染天下事真無所不有也洞規二本俱
還贈名以翼可也古有易翼老翼莊翼或曰演亦可

姜斯文世輝

初夏逢別濠二藹二不可以忘手翰飛墜茅屋光華
不佞依據昔時迂僻不足道者猥荷足下度外推獎
不暇自榮有時忸怩不佞平生嗜甘惠餽烏棗百枚
一啖一思足下滿百則思亦百回矣又來四瓢可奉
以為許由之掛顏淵之飲何其高也南蠻椒赫如丹
裏兩心相照又何真也

尹童子宗成

四月燈夕趙夫子姜斯文叙別燈下孺子獨不來黯
然離懷尤不可堪至今猶往來心中近獲芳翰字綴

而語洽安得不一讀二讀暗想丰韻毒暑如焚讀書
侍長者遊得如意否生長鄉曲得師最難縱遇之皆飯
囊酒袋學究也不足為光華每歎孺子一片婆婆婆城
中得此天下奇士趙夫子為依歸之地可驚可喜奇
奇妙妙不以吾言為尋常過去說話一心服膺亦遠
者之望也

朴生 景愈

不佞老親初緣暑濕之勞仍成寒熱之瘡既慚昔賢
負米之誠忽荷故人授粢之惠矧茲風聞而能周何
異神交之相感種之多謝粒之皆情

鄭耳玉琇

極寥之時故人忽借異書政同淮陰磯上竿影過午
泝澣姬哀王孫而進食何幸如之第百無一長只有
一雙眼透了書光八箋抽送可也

足下屢空不覺太息然天之生吾輩已注定一貧字
不可逃而無所怨也說文奉借此亦貧術試以說文
字樣作書乞米於富人不惟不得米且遭大罵奈何
第畏熱塊坐眼中貯幾斛睡盤裏無一尾魚怪哉

李 定載

久不覿磊砢之標殊覺心境之就蕪穢萬松謬二山

齋冷靜政想道味穆然而玄也不佞病寒且懶未遂
一尋為竟夕之晤言意想祇長統秋聲館函櫃之際
云

徐稼雲 有季

自田間歸月已三改稼雲猶栖遲小石山房翹首東
雲曷日不思尺書意中至窮山讀誦書味雋永可賀
可賀竊觀聰慧者未必勤劬勤劬者不盡聰慧自古
名世而別開門戶者莫不兼備當今之世惟稼雲其
人也不佞安得不愛之重之推為後進之領袖哉尚
書問目數十條繩之滔之窮究明析足發鄙蒙叨此

質問不無感應掇拾舊聞逐日以記未知高明之見
以為如何璉瑚詩卷亦為評批詩雖小技非極博不
足以成家亦須努力至祝至祝嗟乎世之人舉不知
科舉外有好事故父兄師友以是勸勉其不至喪心
失身者幾希矣學古所以長知見讀書所以扶倫綱
茲豈非好事耶雖未免從國制習科業而須卓然自
立快脫今世科儒輕浮腐陳之陋習然後能保本然
之天真不然則皆雜流也稼雲心靜而體端應不以
此言為迂也不佞今秋得稻十碩朝飧夕饁安過寒
冬較諸春夏飢餓不羨富貴者大抵隨分經過不著

妄想吾輩安身法也但悠々泛々犬馬之齒漸長而
不能專意讀書操心飭躬猶未免為鄉人是大悶也
稼雲年富力強須以不佞為戒進々不已則如何不
到古人之地位也天寒筆頭冰結不勝其呵燈下波
吒艱辛胡牝

尚書正義云以其上古之書故曰尚書或云商書
之商變為尚古者或有此說歟 正義所云尚與
上同甚的確嘗記精騎錄書名曰尚書之尚本當作
上音讀或曰秦時人臣避上字故作常音至今因
之不改案正義尚是伏生所加若如此說則秦人

不必諱其音商書商變為尚未之考焉書是虞夏
商周四代之文則恐未必專指商代為書統名

堯典曰放勳傳云放至也勳功也後世或云堯之
別名未知然否 正義勳功也堯放上世之功化

案放卽放效之放此說勝於蔡傳馬融皇甫謐司
馬遷趙岐王逸以為堯名放勳亦有以放勳為堯
之字或以為堯之號諸說紛紜不知誰從然大戴
禮五帝德篇帝堯高辛之子也曰放勳帝舜瞽瞍
之子也曰重華禹鯀之子也曰文命毛萇齡嘗引
此說斷以為名而堯舜禹為當時通稱之號顧亭

林曰堯舜禹皆名也古未有號故帝王皆以名記
臨文不諱也放之尚書帝曰格汝舜格汝禹名其
臣也堯崩之後舜與其臣言則曰帝禹崩之後王
子之歌曰皇祖胤征曰先王不敢名其君也愚以
為顧說最好君上呼臣下不必呼其通稱之號也
且放勳重華文命去者上古命名似不如是華美
此是拈出二字為聖人平生德業之大綱後人皆
惑於曰放勳曰重華曰文命之曰字斷為名稱也
活看三曰字則恐非名稱也

分命羲仲宅嵎夷曰暘谷傳曰官在國都而測候

之所在嵎夷東表之地然則自國都至嵎夷不知
幾萬里則羲仲躬往其所測候出日勢似未由未
知如何但指日出所而云歟 禹貢錐指書引漢
書以嵎夷為朝鮮地若如此說則嵎夷即慶尚道
寧海或江原道江陵等地距堯都不過六七千里
何遠之有王肅以為居京師而統之有時述職蓋
有測候之官府於嵎夷有時親往測候而來耳
星鳥是南方宿而春分之日黃昏之後見於天之
正中歟 斗牛女虛胃室壁七星為朱雀春分之
日則七星畢見於午位乃所謂中也非天之正中

也

瞽瞍果是無目之人歟 孔傳曰舜父有目不能
分別好惡故時人謂之瞽配字曰瞍瞍無目之稱史
記曰舜父瞽瞍皆以為瞽瞍是名兩說不同愚以
為古人質朴不避隱疾為名瞽瞍即二字名不必
分名及字而真為無目之人

舜典曰納于百揆納與任字同意歟 納字別無
深意乃置之之意

類于上帝望于山川類字與郊祀同類之義歟望
字不必往泰山祭泰山而但等壇於潔處望而祭

之之義歟 周禮肆師類造于上帝注云郊祀者
祭昊天之常祭非常祀而祭告于天其禮依郊祀
為之故曰類高明與郊祀同類之義甚合周禮望
祭不必親往某山某水而遙望於京都來說得之
輯五瑞既月乃日覲四岳羣后瑞猶今之符歟既
曰日覲四岳羣牧又曰班瑞于羣后羣后者乃諸
侯羣牧之摠稱歟但諸侯之謂歟 瑞符信也即
公侯伯子男五等諸侯所執之圭璧說文瑞以玉
為信也从玉常徐鍇曰常諦也會意羣后單指五
等諸侯

二月東巡守五月南巡守八月西巡守十有一月
朔巡守四岳之相去里數幾許一年之內似難徧
四方而小註問四岳惟衡山最遠先儒以為非今
之衡山別自有衡山不知在甚處曰恐是嵩山之
南若如此則四岳相去甚近矣又曰唐虞時以潛
山為南岳五岳亦近非是一年往一處然古之天
子一歲不能徧及四岳則到一方境上會諸侯亦
可周禮有此禮小註問答未知如何以舜都蒲
阪為計則五岳相距不甚相遠郭璞云霍山在廬
江案一說以霍山為南岳此說甚好若以衡山為

南岳則太遠不可巡守霍山在江北以此充五岳之數則一年之內足以一徧也

五玉三帛二生一死贄五玉諸侯所執符信而三帛生死卽諸侯納幣之方物歟卿大夫士卽天子國之官歟五玉卽五瑞而三二一贄皆見天子執而為禮之物卿大夫士皆諸侯之官屬

協時月正日同律度量衡同律度量衡可也至於協時月正日天子既頒曆則豈有節候之差此時或無頒曆之法歟孔傳曰周禮太史云正歲年頒告朔於邦國則節氣晦朔皆天子頒之猶恐諸

侯國異或不齊同故因巡守而合和之史記稱紂
為長夜之飲忘其日辰恐諸侯或有此之類故須
合日之甲乙也時也月也日也三者皆當勘驗諸
國使齊一也案此說則古亦有頒曆之政而協之
義可知矣

修五禮吉是俎豆之事凶是初終之事軍是兵戎
之事賓是賓主之事嘉是冠婚之事歟賓似是冠
禮之賓吉字似與嘉字同意如何周禮大宗伯云
以吉禮事邦國之鬼神以凶禮哀邦國之憂以賓
禮親邦國以軍禮固邦國以嘉禮親萬民之婚姻

此是五禮之正辭祭祀婚姻俱非凶禮故吉嘉之義相似也

鞭作官刑扑作教刑註曰鞭木末垂革扑夏楚二物鞭是鞭背之刑歟楚似撻而夏字義何謂鞭似是鞭背夏即撻之省文撻與櫜同山楸也楚荆也治諸風濕痺先王以此撻人亦寓仁愛之意司空總百揆四岳總十二牧司空猶議政四岳猶備邊十二牧猶八道觀察稷猶度支司徒猶太學士猶秋曹共工猶工曹秩宗猶春曹典樂猶掌樂納言猶銀臺虞猶掌苑司圃等職而近日各軍門

又有禁松之事此各條以吾東官方譬喻未知

如何來說近之

大禹謨曰九叙惟歌勸之以九歌此乃天子巡守采侯邦之詩觀其風俗之事歟任事之官作詩

若贊頌箴銘非如風謠專屬閭巷男女

不自滿假之假與暇意同歟假大也夸大之意

有苗昏迷不恭但指君長歎君民之總謂歟專

指苗之君長大抵民俗亦頑獷

日宣三德夙夜浚明有家日嚴祗敬六德亮采有邦翕受敷施有三德者足以齊其家有六德者足

以治其國有三德典六德者天子可受而用之第
於此九德無其一者不可用之之意歟 無一德
者生於治世安得有用

天聰明自我民聰明天明畏自我民明畏人皆備
天理於衷聞他善言則必欲顯之此乃天心也見
他惡行必欲罰之此亦天心也雖萬棄有罪則天
必討之雖匹夫有善則天必福之、意歟 天因
民心之向背而興奪天子之任大旨如此

皋陶曰朕言惠可底行又曰予未有知思日贊、
襄哉予未有知云、可也朕言惠云、近於自矜

未知如何 惠者謂其言順而皆可行非自矜也

潘秋庫 庭筠

不佞左海鯁生孤僻寡和開口相笑者只五六輩閉
門潛居落二悠二所大願乃學古人慕中國而已湛
軒洪先生奇士也遊燕而歸每說篠飲鐵橋秋庫三
先生風流文物照耀江左仍示其談錄及詩文墨蹟
不佞欣然欲起舞悽然又泣下以其朋友之感藹然
觸發自不覺其如此也昔者舌官李白石持獻不佞
雜纂一篇于先生先生大加獎誦稱為高士人非石
腸安得不感信息茫二于今十載茲因友生柳彈素

接見兩邨先生評序巾衍集忽又見先生手筆評序
茫然失魄如從天降無中生有絕處逢生鋪張震耀
令人顛倒此振古之奇事天下之壯觀矧又評品精
確眼光如月四人合席感淚橫集前日湛老因三河
縣孫蓉洲致書先生非至一再終不傳致頗自失望
不意于今得讀先生巾衍評序喜故人之不忘恨歸
使之無音此豈先生邁々而然也亦是公事忽々之
故也不知先生以為如何鐵橋先生遺書幾部而開
雕行世否其尊兄九峯先生亦云無恙耶湛老每思
鐵橋惻然傷懷欲知其忌日願先生示之也起潛先

生歆寄歷落近作何狀見在何處耶吳西林先生尚
今康健否亦示其名字可也不佞今者致書先生或
似唐突而論其交則十年語其契則知音故忘其僭
妄輸瀉心曲敢以四首七絕獻以為執贄願先生庶不
鄙夷賜和可也先生學絕今古富有日新未知等身
之書為何名耶不佞竊聞安有所著有士小節八卷
已脫藁亦有青莊館書種禮記涉仲尼弟子名字解
等書若干卷竊欲取正於太君子而遠莫之致可恨
先生之筆法妙天下願手寫青莊館三字以賜又製
青莊館記及青莊館集序以賜則當為子、孫、永

世之賢亦幸於同僚同社中名流大雅請作序記可
以不朽嘗聞袁子才先生文苑主盟先生紹介之則
或有序記可得之端耶先生其圖之金養虛日益窮
而壯氣不挫湛老今仕為儀賓府都事此駙馬之僚
屬也先生有小照若贈之謹當燒香展拜以叙區々
之懷也臨紙悵然無以為懷

錢香樹先生大夫人陳氏畫法可倣元明以來何
人耶與趙文淑孰優

海內書林畫苑第一名品篆隸楷草為誰山水人
物為誰花草翎毛為誰冷吉臣施珏之畫果居何

品當今學者大醇無疵如李榕材陸稼書兩先生者為幾人耶陸王之說其果小息耶湯潛菴先生之學無乃小進於陸王耶

先生充編輯四庫全書之官云四庫之名如唐所定經史子集甲乙丙丁之次序耶大抵編次如叢書裨海收其全書耶幾部而幾卷耶既包羅天下之書則海外之書如朝鮮安南日本琉球之書亦為收入耶若然則畧示其目錄如何

朝鮮之書開彫於中國者如高麗史東醫寶鑑等書以外復有幾種耶

我國唯澥楊浦集見於佩文齋書畫譜引用未知
至今行世而先生亦嘗見之耶

宋徐兢高麗圖經有刊行否先生亦見之否朝鮮
則無之耳

初夏修書以後翹首西雲日夕馳想荏苒秋冬尤難
為懷故人情臧來從天外長跼披開手為之顫籀誦
三四宛對半標矧審通來起居珍衛洽慰懸望之苦
心良可悅也惟我二人一生於三吳佳麗之地一生
於三韓僻陋之鄉山阻海隔不啻天壤只是天付摯
情鬼助異事元無半面之雅仍成同心之契往古來

今窮天極地創見無雙寔非尋常識荆之願終古美
之得布之諾於吾榮矣若夫敦情厚誼自有其人豈
人人所可道哉故佳朋之於良友聖人序之倫常君
子視為兄弟在昔賢哲動稱知心亦曰知音嗟乎惟
此一知字何等字也如曰不勝長者之推獎獻此片
時之諛言則鬼神鑒臨匪人匪人但願從今以往塵
塵利利置之心曲不著絲毫之虛偽永為百年之石
交如何如何三二年間若得好風蹕一騎而涉鴨波
把臂於燕市寒風之久論心於金臺落照之天則畢
生之願從此遂矣奈何奈何湛軒先生初秋除泰仁

縣監距京八九百里新羅崔孤雲所治之縣也養虛
今春中風步履蹢躅酒為之祟奇人厄窮自古而然
前書為請先生小照偶爾忘之耶頗為缺望今便小
照及詩文盛藻亟為惠贈頂禮小照當作賈島之佛
珍藏高文庸倣鷄林之購不佞近號端坐軒取宋史
隱逸傳杜五郎事幸為我書小扁仍又作記并與所
諾青莊館集序以付今便近日不佞作詩書上雨村
先生惟先生手寫小冊評批以賜則得珍珠之船贈
青玉之案不足喻其鄭重也家大人十年前遊业界
豆滿江古肅慎氏之地從耕夫得箸矢此不咸山之

石而孔子之所識東坡之所珍也今者奉獻一鏃以
資異見願作一詩表章之亦載於雜纂詩話至祝至
祝物雖不腆其為古器則何異於赤刀大弓且矢者
誓也聊寓永矢不忘定交之義先生領受焉餘臨楮
悵々不宣下照拜狀

前因湛軒聞先生賢閣湘夫人有舊月樓集閨庭
之內載唱載和真稀世之樂事詩品與桐城方夫
人會稽徐昭華何如也似有刊本願賜一通留為
永寶

湛軒嘗傳令胤名時敏今年紀幾何而文學似應

不愧鳳毛幸示其所作數篇也大抵先生子女為
幾人耶

朱子家禮序有童行二字此為何語其緣起詳教
如何家禮又有油單二字此是何物亦併考證

永明王的在何年滅之而擒至于京師耶所討帥
臣為何人耶不欲詳知願聞其畧則不必忌諱也
中國所謂箕仙騙子兩件雖曰荒唐淺陋亦有不
可曉者箕仙走筆作詩捷如風雨詞意俱到騙子
冬月開花摺紙成禽眩人耳目此果何術耶願聞
肯繁

張中丞訂集凡幾種而為幾冊歟

汪堯峯詩文每多見放於昭代之意未知坐於何
事耶

邵子湘一生處窮亦似有累而見廢者然願聞其
詳焉

中國書札之末或有書左冲二字者此果何義亦
謹空之義耶

毛西河自信已說別出意見一掃章句凌蔑先儒
不佞初見其集不勝憂歎先生意下以為如何而
大抵心服其說者有之否其詩文詢為大家可傳

可讀中原公議蓋云如何深斥明末布衣之殉節者此一條駟不及舌足為流弊堪惜堪惜

唐有代宗卽避太宗諱以代二世本卽世宗也明景皇帝廟號代宗肅皇帝廟號世宗代世二謚故是重複此果何義

我東栗谷先生李文成公拜資品顏曾義理程朱竊想先生已於湛軒熟聞之此是東方聖人而其學不表章於中國誠為缺典令人慨歎嘗湛軒年前仰餽先生栗谷所著聖學輯要先生何不開彫廣布以光儒學耶

山海關扁額為明蕭顯所書云此是何許人耶

先生正法妙天下無論竹石山水揮灑數幅納於
札間以惠慎勿忘慎勿忘

先生職銜帶方畧館此蓋何名耶

朱炎分袂慙屈玄冬年光鼎二人安得不老矧伊地
角天涯懷思惘惘者乎未諳近日道體珍重遙瞻西
雲搔首裴回不佞昔承雅誨心如有得今又離羣鄙
吝滋萌復賜德音以豁茅塞則嘉惠良多敢不銘心
賤降之日為設綺饌不腆之什又弁鴻篇顧茲遐踪
何以得此感佩鳴謝不知為喻前留素帖其果灑翰

為畫為詩填滿累幅以寄此便耶懷時披玩可代清
儀其在鄙人亦非小事懸企懸企拙詩四韻奉獻侍
人安用文詞領畧其向達之誠可也香山箋廿幅聊
修土儀笑領如何董山得足下之書額奉以為天球
使我致謝嗟乎大交無言言止于此胡草不宣下照
拜狀

李雨邨

調元

去年冬友人柳殫素齋韓客中衍集入燕京也不佞
輦日屈指待其歸來不知遇何狀名士以評以序心
焉懸々無以為喻殫素之歸自詫遇天下名士仍出

巾行集使不佞輩讀之果然朱墨煌々大加嘉獎序
文評語爾雅鄭重真海內之奇緣而終古之勝事也
顧此下土小生何以得此於大君子相顧錯愕如出
天外心不自定不佞輩四人好古讀書時有著述而
不入時眼性嗜輶晦名不出里閭晨夕過從聊以相
晤而已柳冷菴頽然玉貌溫雅成性澹然無累劬心
墳素落筆可傳長於詩學朴楚亭短小勁稜大有慨
慨才情蓬勃草隸驚座志慕中原奇氣橫絕李素玩
簡澹自牧持心孤絕貫穿經史辨覈同異明於六書
文辭敏妙此皆不佞之畏友而愛之敬之自幸其生

并一世者也如不佞樗櫟賤品瓦礫下才只是秉性
迂直愛人信古只自恨口不飲江河漢洛之水足不
蹈吳蜀齊魯之地枯死海邦有誰知之無誦亭林先
生九州歷其七五岳登其四未嘗不泣然流涕也今
既為先生及潘秋序先生所知畢生之恨庶可少展
凡取友之道先看其品後看其材今讀粵東望華集
淵博韶穎迺其餘事竊自庶幾想像先生之萬一也
且從彈素詳問起居威儀待人接物忠信仁厚洋溢
可觀彈素信案人也豈欺我哉及觀先生小照斐然
香舉目諦視顏如滿月吉祥善良定為神交決知無

疑不佞蟬橘之号先生既以澹墨圈之此許之也幸
手寫蟬橘堂三字賜之又製青莊館集序蟬橘堂記
以賜則當為茅屋光華永世至寶先生不鄙遠人而
圖之也彈素不佞密友也先生彈素之所尊慕唐突
修書或有可恕之道耶謹以七絕四篇仰獻亦賜和
如何先生所親當世才子幸托撰不佞序記以賜則
亦足以不朽伏願憐而謀之也使人甚忙艸止筆
懷緒依依

聞天一閣藏書已屬大內云其後孫微弱不能保
耶緣何私家之藏歸於天府耶

讀禮通考序例有凶禮以外又將續成四禮通考
云今果開離否

別裁集天下才子既盡博載李漁笠翁翻亡才子
而獨漏之何也當時沈歸愚亦有微意而刪之耶
顧亭林先生海內高士令人起慕可與倫比者亦
幾人耶杜茶材先生與亭林無差等耶顧畧示其
事蹟也

聞穆堂集自朝廷欲毀版中止云有帶救者而然
歟大抵侵攻朱子伊川亦太無禮可謂異端至今
或有傳其學者耶

先生氏瑩亦出於隴西耶歷代以來奕世名祖見於史傳者誰耶

近世中國人多用齋菴亭堂等作字此風昉於何代恐似不雅先生字杭塘亦何義耶

先生所著五代詩討為唐宋金元明五代耶討字之義亦何居屬國詩亦收入否前輩著述於外國則每多謬駁顧先生十分精詳於朝鮮則尤為加意也

初夏修書遽屆首冬天末懷人鬚髮堪素茲者桂同之歸先生清翰翩翩飛墜盥手莊誦字二醒眼言言

沁肺喜極欲狂感深而涕如此交道開闢所稀以文
而不以幣以心而不以面尺書去來片言相契披丹
見素萬里匪遙此係不佞至誠之收感亦見先生真
心之相向□□□□□□□□□□□□□□□□□□□
□□□□□□□□□□□□□□□□□□□□□□□□□
□不佞海外腐儒天下陳人數理之精不如彈素辨
覈之博不如薑山溫潤之姿不如惠風起邁之氣不
如楚亭不意如今蒙被寵光舉一逸字蔽我生平匪
直曰一時之嘉獎亦足為千載之公議不佞文弱清
羸兒不踰人然秉心頗潔修躬欲直庶幾自附於古

之清士而無人闡發亦不自怨先生料我於千里之外置我於先民之列品藻如鑑一何神也不暇撓譙心甚自負何者君子之交許而相信長者之評篤而匪偽也從今以往奉為知己惟我先生慎勿辭避寄和之作情溢言外問目之答足發節蒙扁額亦其心畫堂記寓其規諷人生為學可貴雅正先生論李笠翁之輕尖曰文人之行顧不重耶惟此一言可以見先生之心事亦足為當世之表準彌益愛敬以代座銘彼徒以文詞而已何足道也及讀許忠愍公祠詩序褒揚忠節如見其人感慨之極不覺涕泗之橫集

孰謂文字不足動人耶嗟乎如從先生入著書之室
得觀耿光周旋左右校讐五岳之叢書編摩五代之
詩討聞見日新恢拓宵次則平生之至願畢矣天下
之壯觀極矣雖出情真還屬空言命也奈何不佞近
得一號曰端坐軒竊慕宋之隱逸杜五郎之潔已先
生既許我以逸作一記以闡之如何鐵冶亭先生書
法妙天下今者欲移書請得墨蹟以作世寶匪惟唐
突不敢堪恨空惚難辦幸以此意傳致冶亭先生得
青莊館扁額先生作端坐軒記亦請治筆以為刻本
至祝千萬近日所作詩錄上亦望手書一冊從而評品

以為懷來一閱如何如何不佞家大人嘗遊北界長
白山東故肅慎氏之地從耕者得石罍物雖不腆足
備古甕先生好古而多識想應辨訂也大食之刀長
平之戈詩人墨客摩挲寄咏願先生亦為長歌載於
編纂之書無付不佞之名傳之不朽也贈之以石喻
以石交先生以為如何餘使人甚忙漏萬掛一不宣
伏惟下照拜狀

金聖嘆為何許人物耶似是才勝德薄者畢竟咎
於何罪而見誅耶其子雍亦咎死否

東國韻學魯莽行世者為三韻通考一冊通韻之

法迫與中國有異每被先生輩指摘以示且感且愧未知中國遵行者為佩文韻書耶笠翁韻書亦云近正耶詳亦則謹當一變而至魯耳先生著書或編不佞輩詩須於此等通韻處詩句若好則不必坐此刪棄須當細注東俗之如此未知如何食之用匕見於經傳牛之穿鼻蒙莊攸稱今聞中國之飯使箸無匕牛不穿鼻願聞此俗昉於何時東國則用匕穿鼻也

徐文長詩有土豆注絕似吳中落花生未知土豆為何物留青二集云落花生并黃瓜食能殺人信

然否

冶亭先生稱白山鐵某白山是何地

朱蒙即高句驪始祖高氏之名也今先生詩曰寄
語朱蒙蟬橘老先生應以朱蒙為國號此甚踈謬
改以朝鮮未知如何大抵中國之書於海外之事
每患紕繆列朝詩集明詩綜東國小傳考證非不
該洽而亦多顛錯勢所固然先生之學地負海涵
著書汗牛搜討極博若及東國故蹟須當移書質
問於不佞則可以一正從前之訛舛其於東方榮
亦大矣先生其圖之

五嶽叢書天下壯觀而有眼難見嗟哉嗟哉願詳
示其凡例及書目至祝蓋如張山來所輯凡例否
若不鄙域外而不佞輩所著諸種亦可許入則後
當繕寫以上耳須向潘秋厓先生索所藏東園栗
谷李先生珥聖學輯要一書并入於叢書中如何
不佞所著雜纂一冊亦索於秋厓編之未知如何
高麗詩人可公屬於五代者亦甚不多而雖有之
便忙不暇搜證姑俟後日

前年修尺牘付桂同兼奉硃矢一鏃以證石文永矢
不怠茲待桂同頭須堪素及聞先生已離皇都悵悵

如矢顧影自悲今春搜著我裝一洗儒酸隨謝恩使
先訪墨莊烏塘握手殷勤如見先生又相逢秋庫芷
塘鴛港匏尊諸先輩茲皆先生執友晴窗談藝有若
舊交津津言及莫非廣東况又與楚亭同來真天下
之勝事也嗚呼花無一百紅月無三十圓炯菴楚亭
同入中原庶幾遇先生而竟不可見奈何奈何造物
斲壞世事缺陷從古而然夫何怨哉彈素冷菴薑山
俱得平安來時付書以致先生今托墨莊想當自去
鄙人攜來自著清脾錄皆古今詩話頗多異聞但其
隨腕漫筆編次乖當已經秋庫刪訂芷塘并卷因囑

墨莊遙寄先生先生亦為之序之因便東寄有足不
朽前年臘月先生初度與諸友漑酒寄懷不任悵惻
嗟乎天涯知己古來幾人萬里不見一生相思銷魂
斷腸仰天茫々今來使臣書狀官沈公念祖字王臣
號蕉齋文章學業東之名臣與先生同年月生只差
一日可謂異事不惟欽仰先生流風遺韻恨不相逢
以叙同庚之誼倘聞此事想復歎々鄙人行期定於
今月十六日暫此修戾六月十日有懷先生之作一
篇騰寄願一又贈

李墨莊鼎元

東絡山房之別無論去留銷魂傷心朱顏堪彫天寒
歲暮緬惟斯辰起居增衛不佞下土輒生乃敢接武
東吳之各士拍肩西蜀之勝流談藝於芷塘之室訂
交於鴛港之堂吹噓羽毛洗濯塵垢莫非我墨莊為
之先容為之紹介其為感幸可勝言哉每與楚亭談
此事未嘗不訖足下為人之磊落奇偉天下之士也
雨村芷塘兩先生信息其果續之承聞沈範尊無恙
否歸時不得相別至今茹恨幸致此意如何如何五
言律一首奉寄左右聊表深情伴以香山小箋廿番
匪物為貴俯念其孤懷至可至可薑山冷齋既得杜

丹亭記留為一段風流使之傳致謝意耳臨池神溯
不宣

李鳧塘驥元

天生吾輩一在天西一在天東忽使之合并一席握手
脚盃此千載之一時萬里而只尺也夫何公張不
可復見可奈之何始知初不相見反愈於相見而又
相別也一自睽離徂秋屆冬清履珍重學業日晉每
念足下頽然其長朗目秀眉披露天真不修邊幅工
笑善譔多識蟲鳥可資詩學真西州之奇士鄙人之
畏友也家弟懋賞既得足下所書問齋二字感服讀

數日夜敬對聊托神交誠天下所未有之奇事足下
以為如何鄙人思之之極爰撰一詩情見于詞為之
賜和深企香山白牋廿幅寄上此家弟手所裁也領
納為妙只祝讀書自愛庸副遠懷不宣

唐駕港樂宇

不佞之一生未可忘者吳蜀名士魚魚雅雅餞我二
人飛觴陸續頻飽丹砂軒渠絕倒雅詭淋漓不知日
之將暮何其樂也如今索居回頭指點渾如夢中仰
天長吁忽自無以為心歲將暮矣不審足下動止清
吉阿張兄弟俱得無恙種種馳念不能自己蔡呂橋

馬青田亦皆平安否幸為之致意別後積月足下之
著輯應充棟宇無由從傍而讀之只自茹恨或可寄
亦一種以替對晤耶薑山冷齋獲見足下所贈牡丹
亭記深感足下之好奇遙謝千萬不佞近得一詩仰
寄門下可知其托情之深摯也其幸賜和焉香山素
箋廿張伴去俯納如何不宣

洪舜徒

秉善諸人

日二馬上紅旭炙背殘夢兀然宛歸青莊館中見吾
諸兄丰儀笑語緒緒蹄觸于石稜冷然而覺悵然如
失不知幾遭其矣難過者情也序與在先聯轡并吟

日有勝事何可盡言明日渡鴨水則居然為幽薊之
客不亦快乎願諸君子講論日勉以為他日相逢對
面之地千萬珍重亦有奉托者諸兄時、過訪不佞
弱弟稚子有疾病則救之有過失則規之豈不為吉
祥善事也哉不待吾言想當如此然萬里之人不得
不掛戀于心曲

柳連玉璉

前所商議通叶兩項何不回教耶頭白有日汗青無
期無或近之通叶之久甚難韻會小補久立古讀
韻古叶而細究之則不能截然有別大抵所謂通韻

卽東冬歌麻等聲相近如丁从丁之類者古來相通而

小補魚韻卽通輯字偶舉此一條其他不可勝記不惟小補如此諸韻書若字彙字

典正字通日月燈古今韻畧等莫不如此則聲之不相近也如此所謂叶

韻卽聲之大不相近而古者可叶然虞韻卽叶留字

偶舉小補一條他不可勝記則太相近也如此小補既是古人成

書則不得已从此叶音編之可也韻畧或字典必以

燈編之蓋叶韻之說顧亭林大不以為鐵論林陳季

可也立亦打今故亭林唐韻正則無論曰通曰叶直曰古

音而已其苦心血誠直返魂三代之古音而駁正沈

隱疾之四聲吳才老之叶韻故唐韻正一書似叶非

叶似通非通一曰古音二曰古音今編叶音以小補為主又引唐韻正補之則大是乖刺終年求之而不可合此必不得之事也故必如弟前言或從小補之叶為

金科玉條

如不從小補則斷以韻畧為正今夏入燕祝並塘之說如此

而又檢唐

韻正補小補韻之注之不逮者其萃看則一從四聲

通解之訓民正音

又即諺

逐字照檢則雖不盡善毋寧

逾於偏邦之人任意臆定中華之正音也况若以第言為可用則敢不發凡起例耶此豈小事可以行一國亦可以有辭於天下萬世十分詳審可也誤了俗儒非徒不忍若有具眼者明目張膽而罪之駁之豈

不可畏今第此論雖不盡善亦足寡過兄其慎之十

分商量更定凡例如合第心則可以從命而若使小

補及唐韻正

唐韻正只曰古音不分通與叶故也若以韻正補小補則不徒不成亦是經年

閱歲相混則第不敢從教奈何奈何無論小補韻畧字

典從其一可也兄其早決使第起手可也若以華音

即用

定叶音則非不佞第則不可也兄其或面定或

一、詳答此書期於早定如何如何此書與徐上舍

同為商確至妙

白永叔

東脩

春序向闌不知通來淹留城裡否第重山複水千里

思親今與吾永叔同其懷而足下遨遊親戚間有時
不覺為客之苦而第方日對獷悍之俗所為事惟督
債決訟假怒匪誠詐服無情末稍歸宿上下俱失丞
哉丞哉丞亦不可為也或得斯須之暇聽篴竹風沾
梨花雨顧影自娛夫孰知此

徐而中

理修

烟盃一部良烟一斤奉餽此雖零碎滋味甚多吾輩
所為政如小兒以橡實蛤殼為器皿聚沙為米碎磁
為錢餽遺市場至樂存焉兄以為如何

日長如年與兄輩相思汗漫支離不可中止不如秋

冬之日短而思亦短也吾四人比肩聯武三年猶一日居然離羣安得不翹首天末黯然悱惻裝中披見御賜曆日每獨自指點曰某日奉審某日考工某日日會其位次井二宛然在目視六時而九馳夢一夜而十遑茅不閑水土口味胃氣日益賊敗若經霖暑恐致萎茶驛俗之蠢頑不必索言而阿弟歸覲兄須詳問此間消息則其應悶然不樂矣

沈穉教

象奎

自我一別草樹濃綠百鳥變鳴離懷與時序俱深渺然天南羣札飛墜副以瓊章諷讀頻不忍釋手如接手

儀實獲我心通來著得何文讀得何書竊想富有日
新頓長一格不佞之期望足下固自不淺故每二相
勉足下冲年亦善聽受何樂如之必須先經後史泛
覽他書分別內外主客則根基鞏固不外馳矣不佞
不善飲啖瘦骨益高自憐而已不遊智異山伽葉蘭
有無不可知也

柳明元

燒

陽伯虎無乃唐伯虎之謠耶明人唐寅字伯虎載明
史文苑傳陳仲醇名繼儒自號蒼公載明史隱逸傳

耳

昨見抵兒書聞有滯隔之証崇於太師書而然耶懸
慮不能弛此中一味鹿之何足奉聞有岳寺之會須
努力做業秋科不遠政是發憤奮銳處也龍集二字
猶歲在也自角至箕為蒼龍七宿春初之星故特以
龍稱歲耳

李汝剛 應鼎

前日惠甫席上相逢何異雲中見月天寒歲暮懷人
轉深仄聞令胤昏期在通而末由廁跡於獻賀之堂
不勝翹想憶昔兄以妙年讀書于塔北之茅齋弟之
稚子方五六齡今則梓子為丈夫而有女有子兄將

迂佳婦之翁卽弟之少友稼雲也老夫之鬚髮飄
騷齒牙搖落儻來之事尚何言哉

宗姪判書公

敬懋

代家大人作

日月迅邁廉谷大祥今晚奄過悲愴之懷尤加人數
等者以其終無一箇孤兒堪托宗祠也廉谷甥姪諸
金君為叅祥事來會慨歎立後之尚今延拖因以為
前日歷拜驪街詳問此事則令公有曰徒緣某叔心
心泄之拖過三年云兩家有若互相推諉者然此何
故也立後豈是翫惕之事乎聞來且悲且愧誰咎誰
尤然而彼固外人不能深察人家之事情斷以推諉

據理正責曷足恠焉而令公以為云々者不無憾焉
噫單子之族寒薄之門年邵位隆敦厚和睦蔭庇我
宗黨憑恃以為著龜者惟令公是已況為曾考之嗣
孫而同堂之至親乎自遭廉谷喪變以後送終諸具
既藉令公之辨助則繼絕大事尤不可不克遵令公
之指教故送子遣孫悲訴者屢矣而每言門族既孤
不可揀選之容易事理頗重不宜決定之忙遽也且
夫初喪之日既不得按禮而立孤則當於終暮之後
亦可以從俗而求嗣荏苒時日換至于今事之顛末
不過如此云令公之所知也某之所知也抑亦宗族

之所共知也其間父子祖孫語到此事相對涕泣薰
心摧腸仰惟令公庶或默想而亦宣人之所可知也
槩非令公居門長之尊而愬然為之稽緩也亦非某
以堂內之親而頑然欲其遲延也凡係宗家事無大小
不敢擅為况繼絕存亡至慎至重尤豈敢一毫放肆
任自專輒也哉非不欲屈首低眉乞哀於有子之家
而不徒人微言輕聽若浼浼或恐反以為不待門長
之指擅行至難之事目之以僭越勢所必至自顧身
世情亦憾矣某雖云老悖粗識此義故前既仰議于
令公今又申懇于令公者事理當然夫孰曰不可鳴

呼若計廉谷現在產業薄田歲收七八石殘書數篋
帙落而卷亡鼎鎗盤盂大半破缺古屋七間朝暮且
傾窓扇廳版為盜負去洞口老檜園中古松皆是百
年來先父兄之所攀撫而遊憩者今盡為人剪伐蕭
然若經兵燹門衰家亡者終古何限而傷心慘目未
聞若是之甚從今以往縱曰立嗣屋不足以容妻兒
穀不足以經春夏八位忌辰一年俗節酒飯羹脯于
何具辨每一念此諒非細事不料某在世日見宗家
之顛覆亦無所以援救蒼天蒼天此何人斯年迫崦
岫稍可慰心者祖考妣考妣以下八位祠版咸萃一

長松將

祠宛若平昔團圓怡愉朝夕瞻依若逢祭祀一飯一
菜稱家有無子自焚香扶疾將事旋又竊自悲其一
時展誠亦非永久事甫伏願令公亟擇宗人中勤謹
完固誠果和厚者俾保零星遺業同或失墜有子有
孫使先人香火世世不絕焉則不惟仁人之用心固
當若是抑亦某之銘感當如何哉每飯祈祝令公壽
考康寧萬子孫曷其有涯萬有一苟非其人又不
得保其遺業則是使長墜之緒竟至覆公寧不可畏
伏惟審慎某雖不敢擔當重事人之賢否則亦當從
而權衡之也腦中積抱病不能把筆使兒輩畧構以

達猶涉荒率慚惶慚惶

成龍汝海應

獲承手畢如對深墨之容且欣且愴鄙家得病者近
才團聚回頭指點卽一劫運積雨為災北牆一字齊
覆渾然無彼疆此界交契有通家之誼無乃近之稍
俟晴乾會于牆根以叙積懷未知如何編韻近始竣
工校讐方張日不暇給

洪太和元變

不佞近間為周顥沈約之學汗青無期堪令人頭白
而青城有脈風味為之蕭索閏四月正是人生難遇

之會然其於無酒何應制衣二篇尚留內閣索來可奉
借柳詩亦不在此耳向者桃花時節只與冷齋輩飲
三二番而貞蕤巧湊不一會

青莊館全書卷之十九

己巳冬典牲署
書負朴孝彬書



青莊館全書卷之二十

雅亭遺稿目錄十二

應 旨各體

奎章閣八景七言律詩八首

登瀛洲七言排律二十韻

燕射禮歌

永陵扈 駕以傳詔差使員賡韻七言絕句

百年三萬六千日一日須傾三百盃七言排律

二十韻

城市全圖七言古詩百韻

金剛一萬二千峯七言排律五十韻

飲中八仙圖序 銀愛傳

金申夫婦傳 六書策

壯勇營春帖五言七言散句

龍珠寺柱聯

青莊館全書卷之二十



青莊館全書卷之二十

完山

李德懋

懋官

著

男光葵

奉杲

編輯

雅亭遺稿

十二

德水

李晚秀

憲隣

校訂

應 旨各體

奎章閣八景七言律詩八首

己亥孟秋

臣

德懋

臣

得恭

臣

齊家

臣

理修待

罪檢書官一日上命製

奎章閣八景詩

臣德懋等震越感激謹百拜製進

上合閣

臣硃批以

臣

德懋詩置第一因

命

臣

等進

前 天語丁寧錫賚有差於戲盛哉螻蟻微
臣何以得此隆天厚地沒齒圖報臣德懋恭
紀

奉謨雲漢

森羅

寶帙誕垂昆

盛德千秋不可謬

聖祖神

孫心法授天經地緯典刑存休光每護昭回宇元氣
長留灝噩言雲際散狀高閣出 皇威舊事 大朝
援

書香荷月

田田荷葉月蒼茫書閣微風五夜涼素影流空通

御氣朱華冒水散天香金貂班襯璫瓏艷白獸尊翻
灝灝光不是宸心懷燕樂灵臺靈沼慕周王

奎章試士

奎驪新閣鬱嵯峨卽省文章濟多吉士來歸思
櫟英材振作咏菁莪漢庭親發賢良策唐殿時開博
學科誰是鸞鳳珎彩備熙朝近日禮為羅

拂雲觀德

分曹秩秩降登時画鼓聲傳颺錦旗蒼檣雲晴遙辨
鵠金沙塵宿正翻虞明之已審虞臣我爭也須思魯
聖儀昭代修文非貫革心平體直把弓宜

皆有梅雪

樓臺極望皓無垠
梅是瓊瑤雪是銀
闔闔光搖元不
夜
眾惡香護已先春
黃扉早得調羹手
白屋方推挾
纈仁仔待花時新
雨露恩覃物物與人

弄薰楓菊

風物蕭辰霽景澄
禁園楓菊映觚稜
乾坤霜露繁
華最草樹池臺點
染能豹尾中間錢
箇箇螭頭上下
錦層層詞臣不撰
悲秋賦法酒宣來
氣色增

喜雨韶光

崑崙鳳闕霽雲籠
人在唐天舜日中
藹蔚羣生霑化

澤昭蘇萬種扇仁風星回蒼陸祥光遍春到青丘淑
氣融花暖宮城膏雨洽萬年枝上最先紅

觀豐秋事

觀豐閣下水田寬王業先知稼穡難禹貢篇留香
案讀豳風圖入御屏看初收白雨鋤謠歌遍滿黃
雲鉉簪乳惻怛宸情民事軫每當玉食未甘餐

登瀛洲七言排律二十韻

奎章閣八景詩製進日漫命製進又居

首

丹梯平步上瓊樓高出秋烟九點州縹緲神翁劉向
閣逍遙仙侶李膺每元知別境人間在却訝灵踪海

上遊中國以東環海瀝三山之一屹瀛洲珠宮銀闕
云誰到漢士秦童昔未求掛帆遲回空萬里褰裳延
佇杳千秋黃河消息開休連蒼壁精神降勝流仙李殷
文鳴大雅羣英接武燬皇猷青雲噓送名初藉白日
飛昇境最幽擲地新聲虞薛輩揆天逸氣陸顏儔爭
傳視草金鑾直共羨揮毫畫省留試看詞臣趨豹尾
還同仙子上鰲頭暇時儒化於斯盡前代官名有此
不太液瑗波同碧海上海珠樹卽丹丘青霄漢、齊
騎鶴紫氣紛紛盡駕牛化羽東瀛朝玉案拍肩西掖
侍珠旒三千仙路聯高步十八清銜拭衆眸上界樓

臺元不遠下風冠
玃定應羞人村
一代傾山斗聖曆
千年祝海籌
盛事仍令留
繪素閭君玉
陞彩毫抽

燕射禮歌

已亥九月
之拂雲亭

上行燕射禮于春塘臺
宣飯仍命命諸檢書製

進

聖主臨御三載
秋日吉辰良
暇禮修奎章
高閣出璇霄
上有紅雲一
朶浮青葱
玉樹紫垣邃
世人那能遊
此地詞臣拜
獻曦書儀
寶閣恭瞻
龍圖秘開
函奉牒如有
覲玉色愀然
久怵惕中天
瑞旭耀千帙
羽陵不勞螽
魚剔拂雲亭
上清蹕移大
射工奏貍首
詩四耦周旋
抗大幟
席熊雉
獐幡幡垂
不中有飲中

有既君子之爭以禮讓黃封內酒旨且芳今夕何辰
樂一堂法部笙簫殷轆轤禁苑白鳥紛回翔

永陵扈駕以傳語差使員賡韻七言絕句

句陳豹尾野塵晴仙寢明朝展禮成百里神京傳
語捷虹橋雲幕報聲聲

百年三萬六千日一日傾傾三百盃七言排律

二十韻

庚戌三月以排律及置酒洛陽南宮賦
欵中八仙圖序命諸檢書製進序則

公居首

八萬四千毛孔開幕天席地卧恢恢但看綠酒南山
倒不願黃金北斗堆觴政申明隨日驗觥籌漸次以

年該百年爲計無如酒萬古留名不盡盃六逸風流
誰是主八仙身世我爲魁樽前白日粘難駐盃外黃
河瀉不回提攜峴山春悵望揮觴漢水晚沿洄龜頭
落日看銷泐鴨綠烟波羨發醅酒國生涯真樂只醉
鄉日月亦悠哉糟臺政欲春秋記麴部行將月令裁
十二時辰揮玉笋一千箇月對金罍吾今老矣蕭騷
鬢時復中之渥赭顙春日斟從榆取火冬天館到管
飛灰酒鱗渾與天星掇觴羽頻隨歲律催瓊液青蓮
供太乙醍醐金粟餉如來梁園白雪詩腸鼓蜀道青
天醉眼撐去歲今年歡伯對明晨斯夕聖賢陪襟期

跌宕呼從事風味尋常伴秀才十日解醒差可意一

旬留飲抵堪哀百萬千劫陶家土永作瓶甕甌材

城市全圖七言古詩百韻壬子四月命禁直諸臣製進兵曹佐郎

申光河檢書官朴齊家檢校直閣李晚秀右副承旨尹弼秉及公魚檢書官柳得恭同副承旨

金壽建前奉教洪樂游行左承旨李集斗檢校直閣徐榮輔前奉教李重蓮左副承旨李百亨

兵曹佐郎鄭觀輝右承旨申耆注書徐有聞兵曹正郎鄭東韓前檢書官李薰燮被選優等六

人之券各有御評公之券書雅字命六人再試金剛一萬二千峯五十韻排律

金尺山河一萬里漢京翼二黃圖裏黃圖一案大都

會歷歷鋪叙掌紋視詞臣解撰題畫詩盛事何幸承

恩旨董越作賦差強意徐兢為圖豈專美朝鮮萬世

不拔基文物繁華盡在此鬼神慳若有待請從鴻
荒說源委烏干遠上負兒嶽龜食粵自溫祚始燕天
析木應乾文漢界梁浪稽地理聞道肅王設南京舊
事堪徵高麗史龍樓鳳闕五德立翠華時巡不遑徙
終古神區自有主奕葉蟠根我仙李青茅帝許鯨域封
奠厥鴻基錫金璽華山三朶作北鎮漢水一帶為南
紀山川向背定土圭道里遠近同車軌周官六翼翔
業初建國經邦聖人以形勢周家東都如佳麗漢代
西京擬經營位置面岳南王者之居壯如彼人物樓
臺三壯觀球陽使者驚弔詭左廟右社遵古制高柱

老柏森相倚太社常時梁壇壝清廟多年鞏基址高
明爽壇城東隅處祀儒宮孔夫子濟濟青衿肄絃誦
秩秩縉帷列簠簋六曹百司領大小八門四郊通遐
邇八萬餘家統五部四十九坊控三市週遭石城似
金甌此是王京大畧耳許多沿革五百年未必於斯
覲止矣重熙累洽聖繼神制作新新殊未已復向圖
中論仔細萬品紛然歸點指昔見清明上河圖拭眼
渾疑臨汴水千門萬戶漢宮畫艷羨曾聞夾漈氏生
於長於漢城中目擊犂然寧不喜一覽一披進一觴
天晴日永聊復爾九千九百七十步粉堞如帶明千

雉星羅碁置輦如許虎踞龍蟠秀無比北山無如白
岳好右挹仁王伯仲似英靈所鍾石氣青其下徃徃
生竒士南山無如紫閣秀翠眉浮天天尺咫云是奔
馬脫鞍形平安火舉通南鄙東山無如駱峯妙玄聖
門牆枕其趾浮嵐暖翠卓筆高學士遺居齋名企西
山無如岐峯險曲城圓嶠相角倚峰西一路走箕城
戰跡蒼茫餘古墨舊宮烟柳春似畫太平如今說土
笑御溝流水碧於苔辟邪天祿相對晚東西兩關入
憑眺五色雲中金爵峙觚稜金碧炫晴空佳氣三時
鬱鬱紫燈光樓聳碧樹圓翠瓦鱗鱗盪旖旎九子萍

綠展嫩葉萬年枝紅綻新蘂就中金殿鬱容光左个
青陽卽此是龍圖高閣太液畔上應奎星星似履玄
雲翳翳北苑北如見三皇降三時紅門遙辨是真殿
惝若先王憑玉几月覲門連夾城仗聖慕何嘗
一日弛東南閤廟遙相望安靈千秋芬苾祀綠槐陰
畔黃扉開佐理三公揔百揆演武場潤青門內粉幘
星奔破的天金沙如剪慕華館延詔門路平於砥清
溪一道貫北營鷹雷倭松青不死紅亭繞以洗劍川
空谷砧鳴白碓低了字泉分作雨聲坐久泠泠欲洗
髓三清洞門石鐫紅醺壇翳然白雲起孤亭獨戴大

明天百代清風皎不滓洗心臺花弼雲映寵光千葩
與萬葩梨營小將如紅玉間者毬庭十八技朱門處
處甲乙第喬木陰森纏碧藟雅集誰家謳青童良讌
幾處舞紅妓亭亭白塔大圓覺層級遙空十四累興
天大鍾雲從街傑閣堂中翼斯跋来来去去又来
人海茫茫不見淚萬人心事吾自知貪者求錢賤求
仕賢愚老少日復日五劇三條撲如蟻輕軺過處喝
衆隸小轎歸時擁羣婢游閒公子一何都鞍馬輝煌
競華侈御河元知明堂水䟽淪清流歲在巳車車馬
馬起晴雷戎坐虹橋列鴈齒庚辰水平白玉柱一羣

花鴨弄清泚高樓兩岸咽笙歌不覺東城是花畧東
流直瀉鐵窓急萬柳如眼繚迤邐沿街左右千步廊
百貨山積計倍蓰錦肆紅綠斑陸雉紗羅練絹綾穀
綺魚肆新鱗足珍腴鱸鱖鮓鯉米肆隣近飯
顯山白粲雲子滑流七酒肆本自人間世熊白猩紅
滿滿匝行商坐賈指難倭細瑣么磨無不庀京中物
華已題了復從郊垌一評批崇禮門外何所見十里
江廩粟億秭烟波極望三南舶簇簇帆竿萬艘艤敦
義門外何所見舞槍春郊猿騎駛蟠松池水綠可染
演漾青荷涵白芷興仁門外何所見藉畝農人秉青

鉅華陽亭迴石柵古碧草粘天騰駮駟惠化門外何
所見點綴青林白沙嘴北屯桃花天下紅短籬家家
碧溪沁金城天府儘美哉壽域春臺亦樂只小臣拜
獻北斗杯殿下千千萬萬禩執藝於今有餘意餘
意區區未敢止願將此圖替無逸昇平恒若不足恃
吾王聖明不忘危惕慮詐必臣言俟肯堂丕責在
貽燕仔看綿綿垂福祉帝京景物惠就篇竊效斯文
愧下俚

金剛一萬二千峯七言排律五十韻

須彌山半日輪周四大州包八萬州雲笈披來靈境

閱經讀盡奧區按五千三百聞諸管八十一分記
自鄒九點齊州如米聚三千大界若萍浮太空轆轤
撐天柱元氣淋漓繞地球辛苦夸娥紛措置經營富
媪劇雕鏤元知大軸昆崙始散作餘支并絡由大陸
橫蟠分朶朶中原直亘立頭頭索同揆倭夢難理錯
落盤基散未收坐立真形評泰華笑粧奇喻判春秋
神精只向三條止氣勢還從兩戒求全局案中惟此
耳神區象外更無不卽省海上神仙聚只恨人間道
里悠福地何山非玉洞仙鄉終古卽青丘白頭天作
東之鎮浩劫雲巖上有湫地理扶輿蟠嶠漢挈縹

紗毼瀛州就中楓岳冠東域無限筍峯屹左陬貝葉
經中名已驗蓬萊仙子跡應留縣官前代鳥飛葉王
子何年鶴降緌盧舍那來山影幻晏無竭去海雲愁
祝釐竒后伽藍初頂禮麗王拜站遊獅子島空山似
戟蝦夷國近海如油山分內外遊堪遍景最秋冬境
更幽元使埋香碑翠蘚永郎書壁字銀鉤諸天皓雪
粧銀壁初地濃楓匝錦幘故國山曾權近詠他鄉寺
又鄭同修九龍抱子潭光黝三佛聯肩石氣道軒割
空中真面露森羅天際亂峯稠苑中整整笙齊抃壺
口紛紛矢亂投一萬矢鉅籌恰滿二千叢玉數仍優

遙空簇簇金莖直平地亭亭玉筍抽鬼斧神鞭它自
得牛頭馬面不相侔九重鎖鑰開銀闕十二闌干敞
玉樓圓穴通天穿肉壁稜巖拔地卓孤矛千羣瀛海
翔鸞鶴萬點瑤躔爛斗牛疊疊無非圍畫障層層都
是列銀甍左擎右攫觀如是鏤去雕來借問疇肩背
竦疑高士矜臉蒼低若美人羞瑤宮虛白清侵骨瓊
樹槎枒燦映眸塵剝從知無盡數由旬難把幾何籌
苔蹊或有含芝鹿藤峽如逢獻果猴怒石奔川爭茹
吐懸厓仄壁類癭瘤奮如軍壘頻跳盪溫若賓筵迭
獻酬天外壁垂仙掌縹雲中石戴武夷舟青羊躡

看騰躍玄貌猙猙撫炳彪蓮榻三時千佛供蓬壺萬
古六鰲流白抽萬笏靈官隊碧拔千簪素女倚天祿
駢臻資佛力地靈長護篤邦休奇奇怪怪神長逞萬
萬千千目與謀五十三軀榆岵佛慈悲眉帶衆生憂

飲中八仙圖序

圖凡八幀皆飲者也第一道人裝眉聳而目光照地
頽然坐馬背巾袂拂拂如風中峭帆鬚頭鬘奴左提
壺右攀鐙仰面諦視不勝憂恐馬亦凌兢為之乍步
第二豐下虬鬚倚髭漆高車睨視賈人車堆紅麴而
過口吻津津舉袖拭鬚方領以下緋袍色滴滴妍鮮

如新出於染第三間居服皤腹于思退讓謙恪無鬱
悵失意之色蕭然一高亭墨墨竿危雜錯羅列兩手
提爵耳一吸而盡滾滾汨汨如聞其聲第四崇樓曲
臺碧樹蔭映少季娟秀被服都雅纈髮膚雪白目澄
渟凝眺天天寥廓絕纖翳持一觴將進未進神情朗
出雲霞之外第五蒲菴安繡繡勒相好端嚴楊枝淨
瓶數弓之地位置蕭間宰官具僧伽梨坐團臬引滿
跌宕頰稜渥赭了無煩惱想第六碧甃如削綠波盈
盈大紅船橫入高柳陰雲麾星罕飛揚掩映昭容黃
門催呼絡續岸烏紗拖金龜神彩煖發據地瞢騰稽

首而對第七肩破蕉衫散髮蘸墨濡箕踞傲兀于硯
屏筆牀茗壺酒樽之間恣肆放縱奮迅之極筆飛如
羽颺颺然欲鳴觀者莫不愕眙第八裹頭披壞色袍
昂藏凭隱囊置盃席上拄紅拂于頤軒眉瞪目胡盧
絕倒四座之客揜袖歛襟挈然傾聽不知膝之且前
畫者蓋演杜甫詩八人名氏可按而知也古人圖畫
皆寓勸戒奚取於飲者雖然陸探微有沈曇慶醉像圖
毛惠遠有醉客圖戴逵有七賢圖史道碩有酒德頌
圖張僧繇有醉僧圖閻立本有醉道士圖此皆沈湎
流連遺落時務直一酒徒而止耳可戒而不可勸然

則惟八人者其可勸而不必戒歟嗚呼八人者皆唐
之賢公卿名士大夫草澤布衣名行藝能灼然俱可
觀或遇焉而不終或沒齒而不遇如之何不托之飲
以按其醜惡不平之氣也哉故遇焉而業嗜飲者不
足勸也至若使之不遇焉而業嗜飲者亦可戒也惜
乎明皇之智不及于此杜甫之世飲者不止八人獨
於八人稱之曰仙何哉超然輕舉之謂仙蓋譏衆人
之偏嗜而徒飲焉作此圖者其可與言杜甫之詩也
歟臣謹序

銀愛傳

庚戌六月
申汝偶傳

上審理
生仍

命撰傳
載之內閣

命金銀

銀愛金姓康津縣塔洞里之良家女也里有安嫗者故娼也陂險荒唐多口說疥癩遍體不任搔癢發心蟪益不慎言嘗丐貸米豆鹽豉于銀愛之母母有時不與嫗輒慍惠思欲中之里童子崔正連卽嫗之夫之妹之孫也年十四五冲穉媚好嫗試挑之以男女昏媾之事仍說之曰娶妻如銀愛者顧何如正連笑曰銀愛美艷豈不幸甚嫗曰第倡言若輩已私銀愛者吾為若成之正連曰諾嫗曰吾患疥癩而醫言瘍科藥料直最高事苟成若為我當之正連曰敢不如

教一日嫗夫自外而至嫗曰銀愛耽正連要我行媒
期于吾家為正連大母所覺銀愛爬牆而遁夫切責
曰正連家世微而銀愛室女也慎勿出口於是一城
喧藉銀愛嫁幾不得售惟里人金養俊深知其明白
也遂娶以為室則誣言益播尤不忍聞已酉閏五月
二十五日安嫗大言曰初與正連約行媒報我藥直
銀愛忽畔而嫁他夫則正連不如約我病自此甃銀
愛真我仇里中老少相顧駭愕瞬目搖手不敢出言
銀愛素剛毒受嫗誣辱已二年至此尤愧恨實不能
堪必欲手劓安嫗一洗此冤憤而不可得翌日值家

人不在伺安嫗獨宿夜一更持厨刀揎袖扱帟颯然而步直入安嫗之寢一燈翳翳嫗孤坐將就眠露半體只繫帟銀愛橫刀而前眉眼俱倒鑒數之曰昨日之誣甚於平昔吾欲甘心于爾爾嘗此刀嫗意以為彼固纖弱不足有為應曰欲刺試刺銀愛疾聲曰可勝言哉側身倏刺其喉左嫗猶活急把其持刀之腕銀愛瞥然抽掣又刺喉右嫗始右仆遂蹲踞于旁刺缺盆之左又刺肩胛腋臑臑臑及乳皆左也末迺刺右脊背或二刺三刺揮霍飛騰一刺卽一罵凡十有八刺未暇拭刀血下堂出門意向正連之家聊以

洩餘憤焉路逢其母泣挽而歸銀愛時年十八里正
奔告于官縣監朴載淳盛威儀肆嫗屍驗刺死狀究
銀愛刺嫗何為且嫗健婦汝弱女今創刺亟悍匪若
獨辦無隱直告時伍伯淮立犴犴刑具滿地干連瑟
縮無人色銀愛項有枷手有拳脚有鐐拘繫縛束體
弱委垂殆不能支然而無怖言無哀殺然而對曰欵
官我父母試聽囚言室女受誣不污猶污嫗本娼家
敢誣室女古今天下寧有是我囚之刺嫗豈可得已
囚雖蒙歆嘗聞我殺人官誅身固知昨日殺嫗今日
當伏誅雖然嫗既囚刺誣人之律官無所施但願官

家打殺正連且念因獨受誣更有何人助因共刺行
此凶事縣監太息良久取驗刺嫗時服歸苧衫苧裙
都是殷赤幾不辨衫白而裙青悚而壯之雖欲原釋
法不可屈彌縫讞詞上于觀察使觀察使尹行元亦
飭推官姑究其同謀為誰以緩其抵法訊覈凡九次
詞如一惟正連冲穉為嫗誑誤置不問庚戌夏國
有大慶上錄死囚觀察使尹著東上此獄而讞詞頗
微婉上惻然欲傳生重其事命刑曹就訊于寔
臣蔡濟恭獻訟銀爰報怨雖出至寃罪犯殺人臣不
敢為叅恕之論上下批若曰貞女被淫誣天下之

切寃夫以銀爰之貞判一死顧易爾然恐徒死無人
知也故提刀殺仇使鄉黨曉然知己則無玷彼固可
剛若銀爰而生于列國之世者其跡雖異將與聶嫫
齊其名而太史之傳烏可已也昔海西處女殺人似
此獄監司請宥先王褒諭亟從之女方出獄媒僧
雲集爭購千金竟為士妻至今傳為美談然銀爰雖
勉舍寃至適人方報怨則尤難矣不宥銀爰何以樹
風教特貸其死向者長興申汝個之放蓋出於敦倫
常重氣節今宥銀爰亦類是爾銀爰汝個兩獄案領
其大畧于湖以南俾人人無不知也先是汝個同里

金順昌留其弟順南看屋與妻耘田而歸妻斲小麥
減二升嘗曰叔在而麥不存真怪事順昌詎順南看
我屋偷我穀非盜而何爾其自服順南方病卧不堪
寬痛泣嗚咽順昌晚曰盜亦悔泣耶舉杵撞其腦順
南委頓幾不得生隣人咸集心怒不忍言惟田厚淡
者調解之曰古語有之一斗粟尚可舂二升麥胡大
事奈何兄弟不相容順昌罵不已厚淡往見汝個慨
然言之汝個艷然扼腕而起曰順昌非人意如順昌
家捉髻而責之曰升麥不足惜兄弟不可鬪嗟爾父
母生汝二人但願相憐不期相爭杵撞病弟爾則畜

生畜生不可親吾將毀角廬不與同吾隣慎昌踢汝
個曰我毆我季胡干汝事汝個大怒曰我以義勸汝
反踢我我亦踢汝遂踢其腹順昌匍匐翌日死家人
匿不告官越一月事始發汝個係于獄此已酉七月
事也至是上親判其案有曰古有一男子鍾街烟
肆聽人讀稗史至英雄最失意處忽裂眦噴沫提截
烟刀擊讀史人立斃之大抵徃徃有孟浪死可笑殺
而朱桃椎羊角哀者古今幾人汝個其朱羊之流亞
歟噫汝個不怖死非士師而治不友之罪非汝個之
謂哉錄死囚前後幾千百其個儻不碌碌於汝個見

之有以哉汝侗之名不虛得也汝侗放

贊曰 今上聖德寬仁審理重囚念若痼瘕日旰進
御饌夜必燭屢跋究情而卽于疑考跡而原于義則
輒宥之幾二百人 德音一下國中犬驪至有感激
涕霑者如銀愛申汝侗皆能義殺而傳生者也嗟夫
倘使銀愛■汝侗不遇 明主為之平反一朝居然就
戮則不惟匹夫匹婦冤莫雪義莫伸將見讒人無所
畏而不友者接跡而起也故銀愛釋而人臣勸忠汝
侗放而人子勉孝何哉惟忠臣潔其身惟孝子友其
第忠孝興而 明主之化溥矣

金申夫婦傳

辛亥六月申西家親事

飭過時未昏仍有金命紀其事載內閣

日曆

金禧集慶州人縣監思重庶孫申氏平山人士人德彬庶女也禧集年二十八申氏年二十一俱才且賢顧甚貧人不與之昏嫁上之十五年春二月上閱士庶貧窶男女昏媾或不以時敕京兆五部勸成期遠者趣之官助資裝錢五百布二端月輒以聞時禧集與沈氏約申氏與李氏約雖業已受官資姑未之昏也五月晦日漢城判尹具廩奏五部之人貪而昏愆期者今盡勸成惟西部申德彬縱有官資亦難

辦具且筮忌六月期在孟秋金禧集始與之約者諉
以門戶不敵恥不以女女焉六月初二日 上諭曰
予念五部多輟曠勸而婚者無慮百數十人惟西部
二人禮未克成烏在其導天和而諧物性也事貴齊
始政期勉終其可勸德彬更定吉期禧集亟求佳耦
戶曹惠廳領各助贈較前豐饒俾完好事於是西部
令李承薰馳赴京兆府主簿尹瑩曰緣聞李氏背申
氏已與他人婚矣承薰愕然曰今奉 上諭而申氏
婚期顧無所趣之前日之奏若是矛盾責有所歸其
將奈何判尹以下相視瞠然承薰曰下官竊念禧集

慶林相公之後申氏吏曹叅判之裔俱是華閥且其
率敵其貧同其所遇適相類況又同日名姓塵乙
覽此天所定也盍相與通以成匹媿蒲坐擊節僉曰
幸甚不亦義乎虞遂勸部令主簿為兩家之媒於是
承薰詣磐石坊禧集之家瑩詣蟠松里德彬之家家
俱門無扉屋簷垂垂椽露而指空日過午厨烟蕭瑟
賓主席地而語承薰宣上諭仍言與申氏約婚便
宜禧集俯首逡巡良久而言曰禧集所以未有室者
坐孤而貧也何幸沈氏許字謹受官資不料見棄自
期其老白首無所耦竊又悲不能奉老母今承指教

非不慰謝然萬一彼或不從卽禧集命數之畸也瑩
見德彬如承薰言德彬愀然曰為人父母使女子晚
晚親事式至于今且我與人約人先違我夫誰之尤
至荷 聖諭鄭重優惠資裝諸公良苦躬行媒妁感
激之極實欲愧死無地金君名家子敢不許以為婚
於是承薰瑩大悅互相通報承薰即使部吏傳庚帖
于德彬瑩勸德彬揀日良吉在於十二日遂申報于
府府聞于 上上喜曰匹夫匹婦爰得其所者古來
幾許而未有如金申夫婦機會巧湊非常可喜若此
之奇也諭戶曹判書趙鼎鎮惠廳堂上李秉模曰兩

家婚禮托于兩卿趙卿視禧集猶子也李卿視申氏
猶女也亦各為兩家代撰婚書凡厥綵幣冠履釵鐲
裳襦衾褥敦盂盤匱酒醪餅餌帟幕屏障紋筵匣燭
香孩粧奩脂粉零瑣之屬暨鞍馬徒隸以衛以儀之
具莫不畢給迺所以信王言其悉心辦備仍命內閣
檢書李德懋曰如此奇事可無佳傳甫其筆記一通
為金申夫婦傳以奏十二日晚鷄既鳴禧集卷桃紅
縐紗雙文藍綃各一端交纏朱碧同心絲納于髹函
著歲鞋鎖裏紅襟襟四角會結方勝書謹封送于申
氏其婚書曰昭代沐二南之化匹婦匹夫吉日結百

年之親宜家宜室伉儷莫非天定造化別是君恩
僕之某親某幼而孤貧居然老大幸逢外無曠之盛
世繼有周姝氏掌婚顧此早失怙之窮人誰憐陳孺
子未娶竊聞令愛長於寒素教之婉柔深閨執絲枲
之工已自牀前之補綻貧家乏粧奩之具尚遲門內
之施輦猗我后發政施仁而有司承命勸嫁聖王
制為嫁娶故所當先男女願有室家時不可失迨五
部婚媒之告訖獨兩家子女之愆期冰上之昔夢不
諧佳期蓋亦有待月下之奇緣自在良耦何必他求
晚晚之年紀與同卑寒之門戶相對思出造命雖

使兩美之必成窮不聊生何由萬事之皆備惟
宸曲垂矜念俾兩臣分主婚姻若自己兒要體子以
育之意謂他人父為憐窮無依之身盛渥即一世罕
聞奇遇為百代異事盃盃醲泰和之氣道寸迎休祥宰
造飽需雲之私歌咏 聖德欣逢是月 邦家膺萬
幸之休獲際明時士女合二姓之好謹遵儷皮之禮
爰趁鳴雁之朝答婚書曰匹夫匹婦得其所萬物遂
情鼓瑟鼓琴樂且和二姓合好拯造化力媿父母名
僕之女以葑菲姿過標梅節家事徒餘四壁顛倒索
鳳之紋笄岭更逾七算晚晚乘龍之喜幸際周文之

化擬卜朱陳之緣憫婚媾之不時通命雒陽令勸助
坐資裝之未具至煩京兆尹陳聞和氣周於繫羊駝
非君賜旭朝晏於噍雁奈嫌我貧方聖人軫終始
之恩適兩家成媒妁之約飭教鄭重期欲速而毋
遲物來光華禮孔嘉而克備錢米布帛地部惠局之
事來輸輦悅釵鐲高門盛族之不是過貪富搜造次
之頃今辰何辰寤寐結頌祝之忱千歲萬歲永惟塵
露之報只在室家之宜民樂季豐共登仁壽之域夫
和婦順長圓修齊之治日禺中禧集既盥梳掠髻刷
鬢顧影習容觀著閃紗袍斑犀帶烏帽麕靴坐白馬

鏤金鞍肩竦背直色矜莊不遊目徐徐而行雁夫在
前孔嫗在後紅青紗燈對對前導京兆五郎胥吏皂
隸左擁右護魚魚雅雅如也及抵申氏之門下馬奠
雁入醺席申氏靚粧具翠翹金鈿箇步搖被百子蓋
菖紅祿衣遮珠絡扇交拜僮僮秩然無差粧婆引紅
線盃盃三醕之呢喃祝吉言夫婦起入鋪房兩家隣
里相與歎說曰金君年益壯操心愈貞固申氏婉而
難容儀豐福一朝至尊造命宰相主婚姻儼然合
為賢夫婦恩光喜氣溢門巷後違約者匪徒自絕其
亦天也益其所居地名盤石里號蟠松佳兆非偶然

可卜其壽考福祿爵茂鞏固如石之盤也如松之蟠也云爾

李德懋曰自古云人主之心與天相通豈非然哉和氣致祥導之和在上何哉今上對越上天幽者晰之鬱者䟽之閔覆涵濡無物不遂歷驗是歲春夏民或淫雨施一仁政則不待龍雩雨輒隨下夫金申之媯媒定而雨又霈然不移晷天人孚感若是其捷也故朝野誦之曰至治之世蓋三代之祈天永命亦不過曰導揚和氣而已嗚呼休哉

六書策

成王

子八月

命公

編纂

奎章

全韻

高麗

阮承

旨李書九李家燬校書校理成大中撫書
官柳得恭朴齊家校正仍命諸臣對策

王若曰書居六藝之一焉自昔有周之訓國子也教
之六書則先王之重文字也蓋如是矣春秋以上言
文不言字如左傳於文止戈為武論語史之闕文中
庸書同文皆其證也然則文與字之並稱始於何代
何書何人何說而爾等可溯舉而歷對之否字之古
義近育不近文如易之貞不字詩之牛羊解字之春
秋之使字敬叔皆其驗也然則字之訓文之由爾等
亦可言歟文象立而結繩移鳥跡明而書契作獨體
為文合體為字文有八象字有六類其製造之精義

可詳確歟指事之視識察見上下是也象形之畫物
隨體日月是也諧聲之以事為名江河是也會意之
比類合誼武信是也轉注之同意相受考老是也假
借之依聲托事令長是也其究解之妙旨可極言歟
四象為經假借轉注為緯則同一六書而或為經或
為緯歟四象有限假借轉注無窮則同一六書而或
有限或無窮歟六書之中假借轉注偏多歧論以假
借言之則或曰借聲或曰因其聲借其義或曰借義
不借音以轉注言之則或曰轉聲或曰轉其聲注其
義或曰有因其義而轉者有但轉其聲而無意義者

有三轉四轉至八九轉者有轉同聲者有轉旁聲者有雙音併義不為轉注者有旁音叶音不在轉注例者此其論果皆有據歟八卦為忠古文為質籀文為文則忠質文何與於文字而如此分屬歟依類象形謂之文形聲相益謂之字著於竹帛謂之書則文字書固各有專義之不容通釋歟秦漢之更用八體今可悉數甄豐之刊定六體亦可歷舉歟花也伽盧也季頡也竺典並稱之三人瑞華也花艸也雲霞也後來變化之三體皆可指其得失歟橫則如長舟之截小渚直則如春筍之抽寒谷何所取象歟河雉開而

圖書兆嘉禾生而穗書始何所取徵歟大抵文字者
墳籍之根本詞章之宅宇言語之體自也展卷玩古
則千載共朝削簡論今則萬里對面以之傳道述事
治官察民而凡天地萬物造化不窮之跡莫不有待
而資取焉大矣哉文字之功用也古文最首出而大
篆次之及秦李斯等三家之蒼頡七章爰歷六章博
學七章所謂小篆也又次之自是而為程邈之隸書
為西京之艸書為篆書為楷書為懸針為飛白皆名
小學至許叔重采史籀以下諸書又作說文解字則
後世小學之僅存者賴有此一部而已然以朱夫子

之地負海涵亦不免別求小學於曲禮內則之支流而洒掃應對習事居敬之說皆漢唐以上不傳之旨訣也此可謂葢前未葢有切後學歟唯是一種從事於六藝者徃徃考古證昔以文字為小學異見崖論至今紛如何哉豈朱子之猶有未講歟抑諸儒之務奇妬新歟夫學莫大於格致格致莫要於文字予於文字之學雖未嘗專心用力而其於音義沿革之間蓋不無粗窺端倪者今子大夫居平讀書多識古文奇字而又當承命編釐韻書安得不葢策求助補予格致其志意敷陳毋拘程式予將親覽焉

臣對臣嘗閱夏殷周鍾鼎彝器款識及古周易尚書
孝經之文渾然圜樸皆具生生不已之妙非參贊位
育裁成輔相之聖人不可造也大凡天體至圜故天
之所生皆肖天而圜以其圜也不局不礙而生生不
已大而日月星辰細而艸木之實蟲鳥之外何嘗有
不圜之體耶故古之字體亦莫不肖天而圜聖王體
天以之考文則天下大治至秦而事不師古以吏道
易君道不惟燒毀六經遺禍後世六書亦隨而殘鳴
呼此天下之大變夫李斯慘覈人也師承荀卿之性
惡其心術蘊畜之猜險蔽之為小篆削圜為方背古

易俗以啓程邈徒隸之書邈獄囚也久係雲陽幽鬱
積中翔造隸書曲折無漸稜芒四出日趨於謬三代
古文格而不行噫日之全規而變為方匡月之半規
而易為縱結則字體之倒置可類而推至若點如仰
釘画如偃刀豎如立爻𠂔如倒鉤策如飛石掠如側
戈喙如倚槍磔如垂鈕嗜兵之象尚戰之習一於是
葢露向所謂肖天之圜生生不已者索然不復見矣
以此而行之官府施之士民垂之久遠世道安得而
不危人心安得而不渝臣以為秦之亡不亡於胡亥
而亡於變易字體故暴秦亡秦無道秦虎狼秦之弔

皆出於秦餘之士誦習孔子明於古書者之所為也
恭惟我 殿下稽古右文建圖書之閣上應奎星圖
曲之勢 御定奎章全韻分命臣等校勘編摩仍又
策問六書郎古考文之制也臣等敢不竭陳謏見對
颺 明命臣伏讀 聖策自書居六藝之一止予將
親覽焉臣拜手稽首而言曰書為百務之綱領萬品
之統紀迺所以列於六藝之一而兼該禮樂射御數
五藝者也徐鉉所謂八卦既画萬象既分則文字為
之大輅載籍為之六轡先王教化行於百代及物之
切與造化均不可忽也者不其然乎逮周之世書學

大備以其非此無以考墳典之淵奧無以驗制作之
程度無以察天地之切用無以覺鬼神之情狀是故
周禮保氏掌養國子教之以六書人生八歲知思漸
開精氣向旺其於六者與性相近遇物相親隨見而
悟逐聞而解誦之講之行之服之久而熟之觸類而
長之則習與性成若固有之卽之可以檢攝身心遠
之可以辨別事物處之可以玩隨名理出之可以經
畫軍民何則心細如髮不遺毫芒明析校綜無往而
不當故也書之爲切不其大歟漢承嬴秦滅學之後
蕭何著法猶有古意學童十七已上試詠籀書九千

字乃得為吏又以八體試之郡移太史并課最者以
為尚書史書或不正輒舉劾之當是時人莫不樂其
簡易而易知元元本本有原有委匪此後世詞章取
人終身不識六書者也蓋隸書雖行而兼通籀書者
不以今廢古也漢之文治幾及三代者有以夫然則
漢之賢良文學漸次至于二千石八為九卿者皆以
學童諷誦九千字為吏為史者也茲豈非良法美規
能遵先王重文學之遺意也歟然而東京之末政廢
教弛斯文墜地逮于魏晉書學書法歧而為二自茲
以往習俗膠固莫可救解時君世主欲效周秦舉而

指之要在先正其心君心正則政莫不正六書之正
惟次第事爾伏願 殿下懋哉懋哉請因 聖問謹
稽故事左傳論語中庸所引皆是言文不言字之證
而同書文字始見秦皇之琅邪臺周易毛詩春秋所
引皆是近育不近文之驗而文形字孳亦見於孝經
之援神契不惟此為然許氏說文序許原書則稱文
數解說則言字此又可見後世文與字之并稱也文
象遽于結繩鳥跡代乎書契此是劉勰雕龍之言而
數衍易繫及書序者也獨體者說文之扁旁合體者
係部之成字八象不及六類不至則俱有假借之字

以之通變鄭樵之師心獨見有如是夫指事之上下
人在一上人在一下各有其事可指而知也象形之
日月取形圜缺象于篆體也諧聲之江河以水為形
工可為聲也會意之武信止戈為武人言為信然戈
是形而亡是音則原係諧聲而左氏之誤也轉注之
考老考老也老考也其訓相互可息也万之聚訟也
假借之令長一字兩用聲隨意變也四象之為經而
有限以其主宰而無變也二義之為緯而無窮以其
推移而不定也假借轉注之說紛紜未定然借聲轉
聲程端禮之言也因聲借義轉聲注義張鼎中之言

也借義不借音易疏之旨而至若因義而轉轉聲無
義者三四轉八九轉者轉同聲轉旁聲者雙音併義
不為轉注者旁聲協音不在轉注者趙古則之言也
此皆有據可息爭辨其所論說繁不敢陳八卦肇於
伏羲古文初於黃帝籀書著於周宣文隨世異則鄭
寅之取譬於三代之三尚不為無據書契之書文籍
之文始見尚書序而疏云文文字然則文字書雖各
有義亦容通釋秦有八體大篆小篆刻符蟲書摹印
署書殳書隸書新莽居攝偽司空甄豐改定六體較
諸八體則數既加二即古文與奇字數又減四即大

篆刻符及署爰二書也西域之梵印度之伽盧中夏
之蒼頡出於竺典自居一二而稱頡為李佛氏誕妄
不足道也瑞華花草齊武所造雲霞之書山胤所製
皆是六朝浮華之習其得失何必觀縷長舟截渚
春筍抽谷取譬橫直不過藝苑之評品而引以說文
類函之誤也河驪效靈雄龜呈祥則義卦禹範所以
取則羊頭嘉禾炎帝之瑞而穗書之作蓋出於此大
抵文字者墳籍之根本詞章之宅宇言語之體兒也
我思古人邈為難覲則為一展卷千載之久宛如昨
朝我思今人曠焉不邁則為一剖牘萬里之遠迫在

面前以之傳道述事則道存而事該以之治官察民則官諧而民定凡盈天地萬事萬物莫不有待而資焉至矣哉文字之妙用也古文首出而大小之篆分隸之書章艸飛白藝始多歧莫能歸一後漢許慎著說文十四篇五百四十部本蒼頡之篇九千三百五十三字則秦篆之全也其所載古文三百九十六籀文一百四十五軒周之跡猶有存者而小學之傳不絕如綫賴有此一書而已朱子別撰小學皆曲禮內則之支流而洒掃應對習事居敬之說備焉或有嫺於六書之小學者妄相譏訾何其悖也按大戴記保

傳篇古者年八歲出就外舍學小藝焉履小節焉蓋
小藝者六書也小節者灑掃應對習事居敬之節也
然則一切童學皆小學也六書之小學朱子之小學
固并行而不悖既有大學之書則亦有小學之書而
入於秦燒只餘古文籀文若干篇漢書藝文志始立
小學家朱子之博聞豈不識此但補纂燒殘之小學
故手定初本名曰小學之書可見其意之所在焉爾
噫魏晉之間鍾王之流始以草楷相尚欹斜放縱惟
取華媚悅人之目視六書如土苴繇也匪人固不足
責而義之賢士何若是其違道至以浚姦變為便嬖

攻書之家踵譌襲謬迷不知改豈不慨惜或云草書
出於堯舜之世則初造者合被四凶之誅旨哉言也
亦有一種別撰之習莫甚於魏齊周隋之世而唐張
參作五經文字唐玄度作九經字樣天下之文漸歸
于一比蓋文字陞降沿革之大畧也我東則新羅取
士能試字林文學彬彬為三國之最麗朝專尚科舉
未遑六書粵惟我世宗大王睿智天縱字韻之學
昭融一時數百年來士風不古人志未定字譌音謬
日以益甚記曰衣而不識其名曰罔名者字也不惟
衣為然至如身體屬親宮室罔用山川動植之類指

而問名茫然莫對其名者十居八九其不為同者幾希矣甥訓喃也而稱之以妻之兄弟侄訓癡也而稱之以兄弟之子趾本足指而訓為踵也棟本屋脊而訓為柱也羔是羊子而呼以羖羖藿是荳葉而呼以海菜檄以代貂衿以代笕勺以為夕菽以為太藿薇以為海棠連翹以為辛夷揮周同義仍因并聲圖蓋共稱曹曹異用似此之類指不勝僂而迺敢用諸文詞登諸章奏孰為文明之世有此鹵莽之習也武臣嘗承命撰次輿地書地名之俚俗雖不敢擅改物名之鄙野不得不釐正尤有感於六書之不明也臣愚

以為字韻二書如鳥兩翼不可偏廢說文廣韻立之
學官以郭忠恕汗簡周伯琦正譌為字書之羽翼以
顧炎武音學卽長蘅韻畧為韻書之羽翼購得善本
翻刻廣傳懸之象魏著為程式使館閣之臣庠序之
士家塾之童塲屋之儒官府之胥吏委巷之學究莫
不戶置而人習朝覽而夕究形意事聲假借轉注聲
然覺悟昔之厭惡今焉暢洽昔之譏笑今焉悅服更
讀經史頓然改觀則螳之蚌屬不待漢人而敗夫知
之笨之竹裏不籍武官而筵臣覺之夫然後疏章簿
牒四令簡牘一切文書舉皆形意事聲不期明而自

明豈曰少補然其明與不明寔係於君心應酬事物
何莫非一心之造化而惟六書最近於心心正而六
書之不明未之有也伏願 殿下懋哉懋哉臣竊伏
念朴性源閭巷匹夫也其人已歿著述湮晦於是求
正音通釋 御序弁卷仍命刻頒臣固感激欽仰

聖政之度越百王今又閱 御定奎章全韻字體謹
嚴注脚該詳讀其義例通叶之韻華東之音井井不
紊洵為說文之階而廣韻之梯也何見字乳生生不
已之妙幹運於人文昭朗之會而考文之治格致之
學將為貽燕之謨倚歟休哉臣謹對

壯勇營春帖五言七言散句

已酉十一月召能詩人於壯勇營

製進春帖子各限五十聯
公則倍之中多散逸不傳

肅靜唐龍武飛騰漢虎賁
六丁玉帳護太乙紫宮

環 貔貅飲飛士龍虎握奇經
萬馬長楊路三軍

細柳營 象緯天戈擁陰符地軸蟠
武藝十八般

春風廿四番 世躋壽域春臺上
人在光天化日中

囊錫元正拈亥子候懸中日射熊麋
芙蓉幕府

弓翻月楊柳池塘劍洗虹
內府圖書聯壁宿外營

鈴轄象河魁 沾恩滿引黃封酒
選勝爭酬白打錢

梨花舞如戈揮日楊葉穿時箭
叫風 新刊秘訣

枕鼓下是眠
字

紅梨板舊演神機漆幹槍 雙日直中通 御氣五
雲多處壯 宸居 上界雲霄仙樂奏中天雨露
聖恩承 仙宮劍舄花磚午衛士弓刀柳幕晴 辟
邪天祿祥烟集太乙勾陳瑞靄騰 弩臺遙挹千門
柳毬路平連兩 闕花 翠墨晨超人似虎碧池春
浴馬如龍 六丁驅役茅游擊萬甲森羅戚總兵
細雨千門榆柳節和風一院燕鶯天 時和歲稔三
千里海晏河清一萬年 將軍無事橫經讀壯士偷
閒枕鼓眠 青龍偃月蟠刀勢玄武勾陳護陣圖
穀雨廬纖鷺百轉花風淡宕蕤雙飛 東皇葢軫回

青陸北斗旋柏護紫垣
花明柳暗轉門靜燕語鶯

歌陳墨間
楚軍挾纊人人煖秦士投醪箇箇歡

晴雷響轉三聲鼓瑞旭光翻五色幘
聖王綸音頒

賑貸詞臣帖子寓規箴
魚鱗萬屋蒸花氣蓮朶三

峯抱日暉
仙醴色濃桃石紫
御書香襯蕊珠紅

太乙書繡聯玉帖五辛盤送伴金花
六棧高閣

開良讌一字長廊演武才
画角聲飄榆莢雨紅旗

影拂棟花風
薊屋蒼生歌
聖化太倉紅腐驗豐

徵
皞皞熙熙治有象平平蕩蕩道無偏
庚季大

稔星回甲辛日精裡月連寅
三白村閭呈臘瑞千

紅院落遍韶光 黃道日昇平蕩蕩青丘春到暖融
融 卅四番風花似錦三千世界酒如油 君子軍
雄明越甲丈人師古演義又 幕府花明金鎖甲毬
庭柳拂鐵連錢 三陽回泰須堯曆萬品昭蕪叶舜
琴 六郡良家屯細柳三河俠士駐長楊 池邊陳
影龍蛇罍廡下書聲虎豹輶 獸闥春深賓對數龍
樓日永講工勤 桃花玉淑魚吹浪芳草金堤馬滾
沙 辛勤八路幸分簿 乙覽三時日省編 禮樂
詩書資位育蟲魚草木仰生成 衿紳亦解槍刀譜
韎韐能為翰墨游 萬年枝老春光爛九子萍開淑

景熙 玉燭調元歌帝德璿璣齊政仰皇猷 超三
已洽馨香德邁百方融 画像治 殿宮播頌於千載
朝野騰歌則百男 春融鹵簿金鷄下日上觚稜鐵
鳳騫

龍珠寺柱聯

庚戌九月華城之龍珠寺成承
命製進在聯十六句仍躬往監

董制刷
以揭之

三千歲優鉢花長春壽國十萬種菩提子有秋福田

護聖殿

八萬四千法門同臻彼岸二百五十大戒共拔

迷塗

寶大雄殿

二萬里和訶國善沾石井切德泉八十頃

祇陀園遍開金地吉祥蕊

燈十方七閣

結無盡喜歡緣常

住極樂淨土除一切苦惱想普渡大願慈航極樂大願殿

鴈形獅形鷓鴣形諸佛諸天千劫護牛乘鹿乘羊乘善

男善女一時聽天係樓前蓮花偈貝葉經不二門中天籟

香積飯伊蒲饌無量劫前地肥天係樓後兜率宮中稟大

偈普濟衆生般若臺上演真詮超脫浩劫曼殊利室直到

佛祖不知處祇是半塗且向父母未生前試道一句

那由他寮

青莊館全書卷之二十

己巳冬典牲署
書負朴孝彬書



